

EDISI KHAS

Wadah وادعہ

JULAI - SEPTEMBER 2019 | ZULKAEDAH 1440 - MUHARAM 1441

BILANGAN 68 | JILID 22



ULANG TAHUN

**Yayasan Sultan
Haji Hassanal Bolkiah**

5 OKTOBER 2019

Dasar Penubuhan

Yayasan Sultan Haji Hassanal Bolkiah

Menjadi Wadah Amal Jariah Kebawah Duli Yang Maha Mulia
Paduka Seri Baginda Sultan Haji Hassanal Bolkiah Mu'izzaddin Waddaulah
dan Ahli Keluarga Baginda.

Sebagai tanda pemedulian dan kasih Kebawah Duli Yang Maha Mulia
Paduka Seri Baginda Sultan Haji Hassanal Bolkiah Mu'izzaddin Waddaulah
kepada rakyat Baginda yang sentiasa taat setia kepada Baginda
dan Kerajaan Baginda.

Menjadi lambang pembentukan dan perpaduan masyarakat dan Negara Brunei Darussalam
yang sejahtera dan makmur serta keharmonian umat manusia antarabangsa mengikut
keadaan dan kesesuaian yang diredhai oleh
Allah Subhanahu wa Ta'ala.





Hasrat Titah

“ Menyebut kebajikan rakyat ini, turut terkandung ialah bantuan-bantuan dan subsidi-subsidi yang telah dihulurkan hendaknya ia dilaksanakan dengan teratur, supaya tidak berlaku ketirisan atau penyalahgunaan dikalangan penerima. ”

Petikan Titah Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien,
Sultan dan Yang Di-Pertuan Negara Brunei Darussalam
Sempena Majlis Istiadat Pembukaan Rasmi Mesyuarat Pertama Dari Musim Permesyuaratan Ke-15
Majlis Mesyuarat Negara 2019



Kandungan

Editorial

- 2** 27 Tahun Berkhidmat - Yayasan Terus Menyumbang ke arah Kesejahteraan

Berita Perdana

- 4** Majlis Doa Kesyukuran Sempena Hari Ulang Tahun Puja Usia Pengurus Jemaah Tadbir Yayasan



Ruangan Khas

- 6** Takah Pencapaian Yayasan Sultan Haji Hassanal Bolkiah 1992 - 2019

- 8** Program dan Aktiviti Yayasan Sultan Haji Hassanal Bolkiah

Berita

- 20** Sembah Kesukuran Sempena Hari Keputeraan Kebawah Duli Yang Maha Mulia Ke-73 Tahun

- 22** Sembahyang Sunat Hajat Berjemaah bagi Pelajar Kelas Tuisyen PIP

- 24** Majlis Doa Selamat bagi Bakal Jemaah Haji

- 25** RUANG - Kemudahan Baru di Kompleks Yayasan



Ihsan

- 26** Penerima Biasiswa Sultan's Scholar Meterai Perjanjian Meninggikan Tahap Pengajian

- 27** Program Memperkasa Belia

- 28** Bengkel Keusahawanan Skim Pembentukan Kebajikan

- 29** Kem Motivasi Program Intervensi Pendidikan



Sumbangan Amal

- 30** Dua Buah Badan Bukan Kerajaan (NGO) Mendapat Perhatian Yayasan

- 32** Usaha Sama Hulur Bantuan Perumahan



- 33** Sokongan terhadap Program Keagamaan dan Keilmuan
34 Keprihatinan Terhadap Kesejahteraan Mangsa Bencana

Kegiatan BKP

- 35** Majlis Sambutan Hari Raya Aidiladha dan Ibadah Korban

Aktiviti DANA

- 36** 11 Orang Anak Yatim Menerima Anugerah Insentif Pelajar Cemerlang
38 Sumbangan Hasil Kutipan 'SMS' Brunei Prihatin bagi DANA Tahun 2018 - 2019
39 Sumbangan Ikhlas Membantu Mempertingkatkan Kesejahteraan Anak-anak Yatim

Kegiatan Sukarelawan

- 41** Kursus Fardu Kifayah

Kegiatan Sekolah

- 42** Pertandingan Pidato Serlah Bakat dan Keyakinan Pelajar
43 Forum Pelajar - Asian and Oceanian High School
44 Pertandingan Inovasi dan Pelan Perniagaan
44 Kejohanan Catur Terbuka
45 Kesedaran Penggunaan Media Sosial
45 Pertandingan Kaligrafi Cina
46 Hari Tradisi Budaya Brunei
47 Lawatan Guru-Guru dari Sekolah Chung Hwa, Kiudang
47 Kempen Tanamkan Sifat 2R, Tangani Isu Sisa Buangan



Atur Huruf, Reka Bentuk dan Pencetak
Brunei Press Commercial Printing Services

Penerbit

Yayasan Sultan Haji Hassanal Bolkiah
Negara Brunei Darussalam

Pengerusi Lembaga Pengarah

Yang Berhormat Pehin Datu Lailaraja Mejah
Jeneral (B) Dato Paduka Seri Haji Awang
Halbi bin Haji Mohd. Yussof

Pengarah Urusan

Penolong Pengarah Urusan

Yang Mulia Awang Haji Musthapa bin
Haji Matahir
Yang Mulia Awang Haji Puasa bin Haji
Jumat
Yang Mulia Dayang Hajah Donnaliza
binti Abdullah Puasa

Ketua Editor

Yang Mulia Dayangku Azami binti Pengiran Haji
Ahmad

Editor Tamu

Yang Mulia Dayang Zakiyah binti Abdullah
Yang Mulia Awang Haji Ali Asnan bin Haji Pungut

Editor

Yang Mulia Awang Kasyfil Aziz bin Haji Jumat
Yang Mulia Pengiran Shah Rizal bin Pengiran Haji
Mohd. Said
Yang Mulia Pengiran Siti Norkarimah binti Pengiran
Anak Haji Hashim

27 Tahun Berkhidmat - Yayasan Terus Menyumbang ke arah Kesejahteraan

Alhamdulillah, dengan izin Allah subhanahu wa taala, Yayasan Sultan Haji Hassanal Bolkiah akan menyambut ulang tahun penubuhan ke-27 tahun pada 6 Safar 1441 bersamaan 5 Oktober 2019. Menelusuri usia 27 tahun, Yayasan telah mencatatkan perkembangan, kemajuan dan kejayaan dalam pelaksanaan pelbagai projek dan program ke arah meningkat dan merangsang pembangunan sosioekonomi dan kesejahteraan rakyat dan penduduk di Negara Brunei Darussalam.

Merefleksi atas pencapaian tersebut, Yayasan terus mengatur langkah kehadapan dan strategik bagi memastikan kewujudannya terus relevan dan bertapak sebagai sebuah institusi sosial yang mampan dan bereputasi dalam meyumbang khidmat ke arah kesejahteraan rakyat dan penduduk di negara ini.

Yayasan telah melakar satu pelan strategik (Pelan Strategik Yayasan Sultan Haji Hassanal Bolkiah 2019-2023) yang mengenal pasti tumpuan dasar, strategi-strategi penting, serta taktik dan pendekatan yang lebih praktikal dan dinamik. Proses pelakaran pelan tersebut melibatkan analisis retrospektif

terhadap operasi dan impak, mengambil kira amalan-amalan terbaik dan proses perancangan yang menggabungkan input daripada rakan strategik dan agensi-agensi lain yang berkepentingan. Pelan berkenaan memberi perhatian kepada kedua-dua sudut dalaman dan luaran. Sudut dalaman adalah untuk melihat keperluan dan aspirasi Yayasan bagi memberikan khidmat yang terbaik manakala dari sudut luaran pula adalah untuk memberikan peluang, impak dan pertumbuhan yang signifikan. Hasilnya, lahir penyataan visi dan misi yang berperanan sebagai peta jalan bagi mencapai hala tuju Yayasan.

Dengan visi 'Masyarakat Mandiri', pelaksanaan rancangan dan program Yayasan memberi perhatian terhadap keperluan bagi mengimbangi pemedulian keperluan asasi, mendukung pencapaian taraf sara diri, dan mendukung pencapaian pendidikan yang berkualiti dan saksama khususnya bagi memberikan impak yang positif terhadap golongan sasar yang memerlukan dan seterusnya meluaskan jangkauan tersebut kepada seluruh rakyat dan penduduk secara amnya. Dalam semua aspek pelaksanaan rancangan dan program tersebut, Yayasan setentunya

sentiasa mendukung penuh agenda pembangunan negara sejajar dengan Wawasan Brunei 2035.

Yayasan adalah suatu rahmat. Bertunjangkan kepada dasar utama penubuhan Yayasan sebagai wadah amal jariah Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah dan ahli Kerabat Baginda iaitu tanda pemedulian dan kasih Baginda kepada rakyat, Yayasan bertekad menyediakan program kerja mendatang yang lebih koheren dan penuh berkeyakinan, mengambil kira kerja-kerja yang telah dilaksanakan selama 27 tahun kebelakangan dan mencari *niche* projek dan program serta cara baru untuk memaksimum impak.

Selamat Ulang Tahun Penubuhan Yayasan Sultan Haji Hassanal Bolkiah ke-27 Tahun. Semoga Yayasan terus maju jaya menghulurkan sumbangan dan khidmat bakti serta terus menggalas tanggungjawab dan amanah sebagai wadah pemedulian ke arah mempertingkatkan kebijakan dan kesejahteraan hidup rakyat dan penduduk Negara Brunei Darussalam sekali gus menjulang tinggi imej Raja Prihatin. ●

**Dayangku Azami binti
Pengiran Haji Ahmad**
Ketua Editor

27 Years of Service - Yayasan's Ongoing Contribution to Prosperity

Alhamdullilah, with the grace of Allah Subhanahu wa Ta'ala, Yayasan Sultan Haji Hassanal Bolkiah celebrates its 27th anniversary of its establishment on 6 Safar 1441 corresponding to 5 October 2019. Yayasan adds to its testimonies the notable development, progress and success of projects and programmes aimed at raising and stimulating socio-economic prosperity of the nation's citizen and permanent residence.

Reflecting on these successes, Yayasan amplifies its commitment to ensuring its relevance and as a reputable charitable organisation.

Yayasan developed a strategic plan (Yayasan Sultan Haji Hassanal Bolkiah's 2019-2023 Strategic Plan) that identifies Yayasan's core interest, key strategies, as well as practical and dynamic tactics and approaches. This process involved a retrospective analysis of our operations and impact, a study of best practices and a planning process that

incorporated valuable input from our strategic partners and relevant agencies. The plan looks both inward at Yayasan's own needs and aspirations to deliver the best, and outward at opportunities for significant impact and growth. The result is the creation of a Vision statement and a refined Mission which will serve as Yayasan roadmap to achieve its strategic goals.

With the vision 'Self-Reliant Community', the plans and programmes give utmost priority to addressing basic needs, supporting initiatives in achieving self-reliance, and achieving equal access to quality education, in particular, rendering positive impacts to target groups and extending the reach of charity and care to those deserving ones. In all aspects of works and plans, Yayasan supports the national agenda and aligned to the Brunei vision 2035.

Yayasan is blessed with stable foundation firmly rooted in its core function as His

Majesty Sultan Haji Hassanal Bolkiah Mu'izzaddin Waddaulah and members of the Royal family's charitable endowment, which portrays His Majesty's loves, care and compassion for His subjects. Yayasan builds upon it a confident and coherent programme of work going forward, building on the work that had done over the past 27 years and find niche projects and programmes as well as new ways to maximise impacts.

Wishing Yayasan a Happy 27th Anniversary. May Yayasan be blessed with continued success in its charitable endeavors with renewed strength, resilient and determination, upholding the very aim of its establishment. Yayasan carries greater responsibilities and mandates as charitable organisation, in service of those in needs, bringing about improvement in the quality of life and prosperity of the nation's citizen as well as permanent residence, ultimately, the image of His Majesty as a Caring Monarch. ●

**Dayangku Azami binti
Pengiran Haji Ahmad**
Editor-in-Chief



Majlis Doa Kesukuran Sempena Hari Ulang Tahun Puja Usia Penggerusi Jemaah Tadbir Yayasan

Yayasan Sultan Haji Hassanal Bolkiah mengadakan Majlis Doa Kesukuran Sempena Memperingati Hari Ulang Tahun Puja Usia Duli Yang Teramat Mulia Paduka Seri Pengiran Muda 'Abdul Malik ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Penggerusi Jemaah Tadbir Yayasan Sultan Haji Hassanal Bolkiah Yang Ke-36 Tahun pada 27 Syawal 1440 bersamaan 1 Julai 2019 di Dewan Serbaguna, Tingkat Empat, Kompleks Yayasan Sultan Haji Hassanal Bolkiah, Bandar Seri Begawan.

Duli Yang Teramat Mulia Paduka Seri Pengiran Muda 'Abdul Malik ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Pengerusi





Jemaah Tadbir Yayasan Sultan Haji Hassanal Bolkiah berkenan berangkat ke majlis tersebut. Keberangkatan Duli Yang Teramat Mulia Paduka Seri Pengiran Muda 'Abdul Malik dijunjung oleh Yang Berhormat Pehin Datu Lailaraja Mejor Jeneral (B) Dato Paduka Seri Haji Awang Halbi bin Haji Md Yussof, Menteri Pertahanan Kedua selaku Pengerusi Lembaga Pengarah Yayasan Sultan Haji Hassanal Bolkiah; Yang Berhormat Dato Seri Setia Dr. Awang Haji Mohd Amin Liew bin Abdullah, Menteri di Jabatan Perdana Menteri dan Menteri Kewangan dan Ekonomi II selaku Timbalan Pengerusi Lembaga Pengarah Yayasan Sultan Haji Hassanal Bolkiah; dan Yang Mulia Dr. Nor Imtihan binti Haji Abdul Razak, Setiausaha Tetap (Perancangan, Guna Tanah dan Alam Sekitar) di Kementerian Pembangunan selaku Pemangku Pengarah Urusan Yayasan Sultan Haji Hassanal Bolkiah.

Majlis dimulakan dengan sembahyang fardu Maghrib berjemaah dan diikuti dengan bacaan Surah Yasin dan tahlil beramai-ramai. Acara diteruskan dengan

bacaan doa kesyukuran Sempena Hari Ulang Tahun Puja Usia Duli Yang Teramat Mulia Paduka Seri Pengiran Muda 'Abdul Malik, Pengerusi Jemaah Tadbir Yayasan Sultan Haji Hassanal Bolkiah Yang Ke-36 Tahun yang dibacakan oleh Yang Berhormat Pehin Orang Kaya Paduka Seri Utama Dato Paduka Seri Setia Haji Awang Salim bin Haji Besar, Ketua Hakim Syar'ie, Mahkamah Syariah. Majlis diteruskan dengan sembahyang fardu Isyak berjemaah.

Duli Yang Teramat Mulia Paduka Seri Pengiran Muda 'Abdul Malik seterusnya dijunjung berangkat ke "Ruang" di Tingkat Dua, Kompleks Yayasan Sultan Haji Hassanal Bolkiah untuk majlis santap. Di "Ruang", Duli Yang Teramat Mulia Paduka Seri Pengiran Muda 'Abdul Malik berkenan memotong kek Puja Usia dan menerima pesambahan daripada Yayasan Sultan Haji Hassanal Bolkiah berupa karya tulisan khat yang dihasilkan oleh Yang Mulia Awang Hamdy bin Emran daripada Pusat Pengajian Kesenian dan Kaligrafi Islam Yayasan Sultan Haji Hassanal Bolkiah.

Duli Yang Teramat Mulia Paduka Seri Pengiran Muda 'Abdul Malik ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah diputerakan pada 19 Ramadan 1403 bersamaan 30 Jun 1983. Duli Yang Teramat Mulia Paduka Seri Pengiran Muda 'Abdul Malik telah dilantik menjadi Pengerusi Jemaah Tadbir Yayasan Sultan Haji Hassanal Bolkiah pada 18 Jamadilakhir 1434 bersamaan 1 Mac 2013. Menerajui pucuk pimpinan tertinggi di Yayasan Sultan Haji Hassanal Bolkiah, Duli Yang Teramat Mulia Paduka Seri Pengiran Muda 'Abdul Malik sangat prihatin terhadap pengurusan dan perkembangan Yayasan Sultan Haji Hassanal Bolkiah. Duli Yang Teramat Mulia juga sering berkenan untuk meninjau dan melibatkan diri dalam apa jua projek dan aktiviti yang diusahakan dan dianjurkan oleh Yayasan Sultan Haji Hassanal Bolkiah.

Turut hadir di majlis tersebut ialah Ahli-ahli Jemaah Tadbir Yayasan Sultan Haji Hassanal Bolkiah; Ahli-ahli Lembaga Pengarah Yayasan Sultan Haji Hassanal Bolkiah; Ahli-ahli Lembaga Pemegang Amanah Dana Pengiran Muda Mahkota Al-Muhtadee Billah untuk Anak-anak Yatim; Ahli-ahli Jawatankuasa Yayasan Sultan Haji Hassanal Bolkiah, pegawai-pegawai dan kakitangan Yayasan Sultan Haji Hassanal Bolkiah; serta guru-guru Sekolah Yayasan Sultan Haji Hassanal Bolkiah. ●



ULANG TAHUN

**Yayasan Sultan
Haji Hassanal Bolkiah**

5 OKTOBER 2019

Ruangan Khas

Takah Pencapaian Yayasan Sultan Haji Hassanal Bolkiah 1992 - 2019

1413/1992

1413/1993

1415/1994

1415/1995

1416-1417/1996

1418-1419/1998

1420-1421/2000

1423-1424/2003

1425/2005

• 7 RABIULAKHIR / 5 OKTOBER

Yayasan ditubuhkan bersempena Sambutan Jubli Perak Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam Menalik Takhta.



• 14 RABIULAKHIR / 12 OKTOBER

Pengisytiharan penubuhan Yayasan dan peletakan batu asas Kompleks Yayasan yang disempurnakan oleh Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam.



• 21 ZULKAEDAH / 13 MEI

Pejabat Yayasan mula beroperasi di Ibu Pejabat Jalan Kumbang Pasang (kini dinamakan Jalan Perdana Menteri), Bandar Seri Begawan.



• 15 RABIULAKHIR / 22 OGOS

Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam berkenan menyerahturun surat pengakuan kepada penerima-penerima rumah di bawah Rancangan Perumahan Yayasan di Kampong Bolkiah 'A' dan seterusnya berkenan mengisytiharkan nama Kampong Bolkiah 'A'.

• 12 SYA'BAN / 14 JANUARI

Yayasan mula mengendalikan pengurusan pembahagian buah kurma kurnia peribadi Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam kepada seluruh umat Islam di Negara Brunei Darussalam sempena bulan Ramadhan.

• 8 ZULHIJjah / 27 APRIL

Permulaan projek pembinaan rumah-rumah bantuan di bawah Skim Perumahan Yayasan bagi mereka yang kurang berkemampuan dan saudara-saudara baru.

• 4 RABIULAKHIR / 19 OGOS

Dana Pengiran Muda Mahkota Al-Muhtadee Billah Untuk Anak-Anak Yatim (DANA) dilancarkan oleh Duli Yang Teramat Mulia Paduka Seri Pengiran Muda Mahkota Pengiran Muda Haji Al-Muhtadee Billah Ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam pada hari pertama Masjid YAYASAN Sultan Haji Hassanal Bolkiah di Kampong Bolkiah 'A' mulai digunakan.

• 6 SYAWAL / 4 FEBRUARI

Taman Asuhan Kanak-Kanak Yayasan Sultan Haji Hassanal Bolkiah (TASKA) mula beroperasi.

• 2 JAMADILAWAL / 25 OGOS

Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam dan Paduka-Paduka Anakanda Baginda berangkat menuai sembahyang fardhu Jumat pada hari pertama Masjid YAYASAN Sultan Haji Hassanal Bolkiah di Kampong Bolkiah 'A' mulai digunakan.

• 28 SYAWAL / 2 JANUARI

Institut Tahfiz Al-Quran Sultan Haji Hassanal Bolkiah diletakkan di bawah pentadbiran Yayasan bagi menyatakan amal jariah Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam. Sebelum ini, institut tersebut ditadbir urus di bawah kawalan Lembaga dan Jawatankuasa Akademik sejak penubuhannya pada tahun 1993.

• 3-7 ZULHIJjah / 14 JANUARI - 7 FEBRUARI

Yayasan dengan kerjasama padu daripada Angkatan Bersenjata Diraja Brunei, Kementerian Pertahanan, Kementerian Kesihatan, Syarikat Penerangan Diraja Brunei dan beberapa agensi lain menghulurkan bantuan perubatan dan menggalihkan bantuan barang-barang keperluan secara langsung kepada mangsa-mangsa bencana tsunami di Aceh, Republik Indonesia.

1426-1427/2006

1428/2007

1429/2008

1430/2009

1432/2011

1434/2013

1437/2016

1439/2017

2019

• 11 ZULHIJjah / 1 JANUARI

Institut Tahfiz Al-Quran Sultan Haji Hassanal Bolkiah diserahkan kepada Kementerian Hal Ehwal Ugama dengan tujuan mencantum semua program dan skim di Pusat Pengajian dan Penyebaran Ilmu Al-Qur'an.

• 21 ZULHIJjah / 21 JANUARI

Fasa kedua Misi Bantuan Kemanusiaan Inisiatif Yayasan untuk mangsa bencana tsunami Aceh ialah bantuan pemuliharaan dan pembangunan semula. Bantuan ini menggunakan dana hasil kutipan melalui Tabung Inisiatif Yayasan dan Tabung Bantuan Mangsa Bencana Tsunami (Kementerian Kebudayaan, Belia dan Sukan dan Kementerian Hal Ehwal Ugama), iaitu sebanyak lebih BND2.2 Juta.

Fasa ini melibatkan pembinaan perkampungan baru di Desa Mamplam, Kacamatan Leupung, Kabupaten Aceh Besar dan projek pembinaan semula di Dusun Teupin Rambot, Desa Ladang Baro, Kacamatan Panga, Kabupaten Aceh Jaya.



• 11 JAMADILAWAL / 8 JUN

Majlis Penganugerahan Blasiusa Sultan's Scholar Yayasan yang pertama disempurnakan oleh Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam di Istana Nurul Iman.



• 29 SAFAR / 25 FEBRUARI

Syarahan Memorial Sultan Omar 'Ali Saifuddien (SOAS Memorial Lecture) buat pertama kali dilancarkan oleh Duli Yang Teramat Mulia Paduka Seri Pengiran Muda Mahkota Pengiran Muda Haji Al-Muhtadee Billah Ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Menteri Kanan di Jabatan Perdana Menteri. Program akademik itu diungkapkan sebagai mengenang jasa 'Ariktek Brunei Moden', Al-Marhum Sultan Haji Omar 'Ali Saifuddien Sa'dul Khairi Waddien Ibni Al-Marhum Sultan Muhammad Jamalul Alam.

• 25 REJAB / 27 JUN

Anugerah Penulisan Islam Yayasan Sultan Haji Hassanal Bolkiah yang pertama dilancarkan oleh Duli Yang Teramat Mulia Paduka Seri Pengiran Muda Abdul Malik Ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Menteri Kanan di Jabatan Perdana Menteri. Program akademik itu diungkapkan sebagai mengenang jasa 'Ariktek Brunei Moden', Al-Marhum Sultan Haji Omar 'Ali Saifuddien Sa'dul Khairi Waddien Ibni Al-Marhum Sultan Muhammad Jamalul Alam.

• 18 RABIULAKHIR / 1 MAC

Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam telah berkenan melantik Duli Yang Teramat Mulia Paduka Seri Pengiran Muda Abdul Malik menjadi Pengurus Jemaah Tadbir Yayasan Sultan Haji Hassanal Bolkiah.



• 26 SYA'BAN / 5 JULAI

Yayasan telah menerima pengiktirafan dan penghormatan daripada Sekretariat ASEAN sebagai penerima Anugerah Kepimpinan ASEAN bagi Pembangunan Luar Bandar dan Pembangunan Kemiskinan (RDPE Leadership Award). Majlis Penyampaian Anugerah Kepimpinan RDPE telah diadakan di Sheraton Mustika Hotel, Yogyakarta, Republik Indonesia, sempena berlangsungnya Mesyuarat Menteri-Menteri ASEAN bagi Pembangunan Luar Bandar dan Pembangunan Kemiskinan (AMRDPE) Ke-8.

• 28 ZULKAEDAH / 9 JANUARI

Unit Sukarelawan Yayasan ditubuhkan. Aktiviti pertama diletakkan di bawah pentadbiran Yayasan bagi menyatakan amal jariah Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam. Sebelum ini, institut tersebut ditadbir urus di bawah kawalan Lembaga dan Jawatankuasa Akademik sejak penubuhannya pada tahun 1993.

• 3-7 ZULHIJjah / 14 JANUARI - 7 FEBRUARI

Yayasan dengan kerjasama padu daripada Angkatan Bersenjata Diraja Brunei, Kementerian Pertahanan, Kementerian Kesihatan, Syarikat Penerangan Diraja Brunei dan beberapa agensi lain menghulurkan bantuan perubatan dan menggalihkan bantuan barang-barang keperluan secara langsung kepada mangsa-mangsa bencana tsunami di Aceh, Republik Indonesia.

Yayasan akan terus melaksanakan pelbagai program, projek dan aktiviti selaras dengan dasar dan tujuan penubuhannya serta sentiasa mendukung penuh agenda pembangunan negara sejarah dengan matlamat Wawasan Brunei 2035.

Program dan Aktiviti Yayasan Sultan Haji Hassanal Bolkiah



Yayasan Sultan Haji Hassanal Bolkiah ditubuhkan sebagai wadah amal jariah atau derma khairat Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaullah, Sultan dan Yang Di-Pertuan Negara Brunei Darussalam dan Kerabat Baginda, iaitu sebagai tanda pemedulian dan kasih Baginda kepada rakyat di samping menjadi lambang pembentukan dan perpaduan masyarakat di Negara Brunei Darussalam yang sejahtera dan makmur.

Sepanjang 27 tahun penubuhannya, Yayasan telah melaksanakan pelbagai projek untuk merangsang sosioekonomi dan meningkatkan kualiti hidup serta kesejahteraan rakyat dan penduduk Negara Brunei Darussalam.

1 Program Khas Kurnia Peribadi Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam

Sebagai sebuah organisasi yang mengendalikan amal jariah Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam dan ahli Kerabat Diraja Baginda, Yayasan terlibat dalam mengendalikan pengurusan pembelian dan pengagihan kurnia peribadi Baginda, iaitu buah kurma, pakaian ihram dan telekung. Program tersebut merupakan program tahunan dan khas yang dilaksanakan sejak tahun 1415 Hijrah / 1995 Masihi.

Pengagihan buah kurma kurnia peribadi Kebawah Duli Yang Maha Mulia dilaksanakan pada setiap menjelang bulan Ramadan kepada seluruh rakyat dan penduduk yang beragama Islam di Negara Brunei Darussalam tanpa mengira had umur dan taraf kerakyatan. Kurma kurnia peribadi yang bermutu tinggi dari Madinah dihasratkan menjadi juadah berbuka puasa di bulan Ramadan. Kesempurnaan pengagihan buah kurma dijayakan dengan semangat kerjasama dan rasa tanggungjawab semua pihak yang terlibat, satu senario yang unik dan menarik.

Pengurniaan pakaian ihram dan telekung pula dikurniakan kepada bakal-bakal jemaah haji Negara Brunei Darussalam pada setiap menjelang musim haji. Pembahagian pakaian ihram dan telekung diadakan semasa Majlis Mengadap dan Junjung Ziarah Bakal-bakal Jemaah Haji kehadapan Majlis Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam dan Kerabat Baginda di Istana Nurul Iman.



2 Program Mempertingkatkan dan Mengembangkan Syiar Islam

2.1. Projek Membangun dan Memakmurkan Masjid

Beberapa aktiviti dan kegiatan yang dikendalikan di bawah projek membangun dan memakmurkan masjid kendalian Yayasan adalah seperti yang berikut:

2.1.1. Memberikan sumbangan kewangan bagi pembinaan bangunan masjid dan surau baharu dan sumbangan kewangan bagi membina bangunan tambahan dan pemeliharaan bangunan masjid, surau dan balai ibadat di seluruh negara.

Antara beberapa buah masjid yang telah menerima sumbangan kewangan bagi pembiayaan sebahagian kos pembinaan masjid baharu ialah Masjid Kampung Benutan, Masjid Kampung Bukit Udal, Masjid Suri Seri Begawan Raja Isteri Pengiran Anak Damit, Kampung Manggis / Madang dan Masjid Ar-Rahman, Kampung Tanjung Bunut. Manakala Masjid Yayasan Sultan Haji Hassanal Bolkiah, Kampung Bolkiah 'A' merupakan masjid wakaf Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam.



2.1.2. Memberikan bantuan dan sumbangan kewangan kepada sebahagian masjid, surau dan balai ibadat di seluruh negara bagi mengadakan aktiviti takmir masjid khususnya bagi menyemarakkan hari-hari kebesaran Islam seperti aktiviti takmir sepanjang bulan Ramadan dan kegiatan Dikir Maulidur Rasul sempena sambutan Maulud Nabi Muhammad sallallahu alaihi wasallam. Selain itu, Yayasan juga memberikan sumbangan dalam pengendalian kegiatan keagamaan anjuran jawatankuasa takmir masjid, jawatankuasa belia masjid dan jawatankuasa muslimah masjid.

2.1.3. Bagi memberikan keselesaan dan kemudahan kepada para jemaah masjid dan surau khasnya dan kepada penduduk di sekitarnya, Yayasan dari semasa ke semasa telah memberikan bantuan peralatan dan keperluan kepada masjid dan surau seperti Al-Quran, bahan-bahan bacaan, kelengkapan penyempurnaan jenazah, alat penyaman udara, sejadah dan sebagainya.

2.2. Projek Celik Al-Quran

Dalam melahirkan masyarakat celik Al-Quran dan mendukung matlamat Negara Zikir, Yayasan menyasarkan Program Celik Al-Quran kepada masyarakat yang memerlukan bimbingan supaya mereka tidak tercincir daripada menghayati dan mengamalkan ajaran Al-Quran.

2.2.1. Bantuan kelas pengajian Al-Quran diberikan kepada murid-murid yang terdiri daripada keluarga kurang berkemampuan dan rendah pencapaian dalam pengajian Al-Quran. Bantuan yang diberikan adalah dalam bentuk bayaran yuran kepada murid-murid yang berkenaan bagi mengikuti kelas pengajian Al-Quran di beberapa buah cawangan Sekolah Membaca Al-Quran IQRA.

2.2.2. Projek Tahfiz Al-Quran bagi penghuni penjara dikendalikan dengan kerjasama Jabatan Penjara, Kementerian Hal Ehwal Dalam Negeri, iaitu bagi membimbing penghuni penjara yang telah dikenalpasti dan sedang aktif menghafaz serta berpotensi untuk ditasmi' dan dibimbing menghafaz Al-Quran secara bersistem. Melalui projek ini, Yayasan memberikan bantuan dengan menyediakan guru-guru yang bertauliah bagi memberikan khidmat membimbing dan menyemak (tasmi') hafalan Al-Quran.

2.2.3. Projek Tahsin Al-Quran dan Amali Ugama memfokuskan pengajaran Al-Quran dan amali ibadat khususnya bagi para pelajar yang mempunyai pencapaian yang lemah dari segi bacaan Al-Quran dan memerlukan bimbingan. Projek ini dikendalikan di bawah Program Intervensi Pendidikan. Kelas bagi projek ini diadakan pada setiap hari Ahad dan tenaga pengajar terdiri daripada para sukarelawan yang mempunyai kelulusan dalam bidang pengajaran Al-Quran dan agama.



3 Program Pemedulian Masyarakat

Program pemedulian masyarakat menyediakan beberapa program bantuan khusus bagi menangani keperluan asas kehidupan dan bertujuan untuk membantu mempertingkatkan kebajikan dan kesejahteraan hidup rakyat dan penduduk di negara ini, khususnya golongan kurang berkemampuan dan memerlukan bantuan.

3.1. Skim Perumahan Yayasan Sultan Haji Hassanal Bolkiah Kampung Bolkiah 'A' dan Kampung Bolkiah 'B'.

Skim Perumahan Yayasan Sultan Haji Hassanal Bolkiah Kampung Bolkiah 'A' dan Kampung Bolkiah 'B' dibina khusus bagi menempatkan penduduk Kampung Ayer yang terlibat dalam kebakaran besar pada tahun 1993. Sebanyak 476 buah rumah dibina dalam skim perumahan ini, iaitu 226 buah rumah di Kampung Bolkiah 'A' dan 250 buah rumah di Kampung Bolkiah 'B'.

Perumahan Kampung Bolkiah 'A' telah dirasmikan oleh Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam pada 16 Rabiulawal 1415 bersamaan 22 Ogos 1994. Manakala, Perumahan Kampung Bolkiah 'B' telah dirasmikan oleh Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam pada 22 Zulhijah 1415 bersamaan 22 Mei 1995.

Sehingga sekarang, skim perumahan Kampung Bolkiah menempatkan seramai lebih kurang 3,000 orang penduduk. Mereka mendiami perumahan ini dalam keadaan yang selesa dan aman setelah mengalami tragedi kebakaran 20 tahun lalu.

Bagi memastikan kesejahteraan dan keselesaan penduduk di kawasan perumahan ini, beberapa kemudahan asas telah disediakan, seperti sebuah masjid yang siap dibina pada Julai 2000, iaitu Masjid Yayasan Sultan Haji Hassanal Bolkiah yang terletak di Kampung Bolkiah 'A', sebuah Pos Polis yang terletak di Kampung Bolkiah 'A', sebuah klinik kesihatan yang terletak di Kampung Bolkiah 'B', sekolah agama sementara yang terletak di Kampung Bolkiah 'B', dan sebuah jambatan utama yang menghubungkan Kampung Bolkiah 'A' dan Kampung Bolkiah 'B', yang siap dibina pada April 2011. Sebuah cawangan pejabat Yayasan juga disediakan di kedua-dua buah kampung bagi memberikan kemudahan kepada para penduduk membuat urusan dengan Yayasan.

3.2. Bantuan Perumahan di bawah Skim Perumahan Yayasan Sultan Haji Hassanal Bolkiah

Projek bantuan perumahan di bawah Skim Perumahan Yayasan Sultan Haji Hassanal Bolkiah dikhatususkan kepada rakyat yang kurang berkemampuan dan keadaan tempat tinggal mereka daif dan tidak selamat untuk didiami. Bantuan perumahan ini bertujuan bagi menyediakan tempat kediaman yang selesa, bersih dan selamat bagi mewujudkan kehidupan keluarga dan masyarakat yang aman dan harmoni. Bantuan perumahan ini juga diberikan kepada saudara-

saudara baru yang kurang berkemampuan supaya mereka dapat meneruskan dan menghayati kehidupan sebagai seorang Islam dengan sempurna dan dapat melaksanakan tanggungjawab kepada Allah subhanahu wa taala dalam keadaan yang selamat dan aman.

Dari mula projek bantuan perumahan ini dilaksanakan pada tahun 1996 sehingga 2019, sebanyak 161 buah rumah telah dibina di seluruh negara. Di samping memberikan bantuan pembinaan rumah baharu, Yayasan juga memberikan bantuan bagi membaik pulih rumah keluarga kurang berkemampuan yang berkeadaan daif.

Selain mengendalikan projek ini secara bersendirian, Yayasan juga bekerjasama dengan beberapa buah agensi kerajaan seperti Jabatan Pembangunan Masyarakat, Kementerian Kebudayaan, Belia dan Sukan; Jabatan-jabatan Daerah, Kementerian Hal Ehwal Dalam Negeri dan Majlis Ugama Islam Brunei secara bersepada dalam mengendalikan projek bantuan pembinaan perumahan kepada keluarga kurang berkemampuan. Penglibatan Yayasan dalam bantuan ini adalah dengan memberikan sumbangan sebahagian kos pembinaan rumah bantuan berkenaan.

3.3. Bantuan Perubatan dan Rawatan

Bantuan yang diberikan adalah dalam bentuk pembiayaan rawatan dan perubatan seperti pembiayaan pembedahan dan sebagainya, khususnya bagi kes pesakit yang dirujuk oleh pihak hospital kepada Pekerja Sosial Perubatan.

Bantuan yang diberikan juga berbentuk keperluan dan peralatan pesakit semasa menjalani rawatan seperti kerusi roda, katil dan tilam khas, lampin pakai buang dan susu formula, diberikan khusus kepada pesakit yang terdiri daripada keluarga kurang berkemampuan. Bantuan bertujuan untuk memberi keselesaan kepada pesakit, di samping mengurangkan bebanan kewangan dan emosi kepada pesakit dan ahli keluarga mereka.

3.4. Bantuan kepada Mangsa Bencana

Bantuan bertujuan bagi meringankan beban mangsa bencana seperti rumah terbakar, rumah roboh dan mangsa bencana alam seperti banjir dan tanah susur. Bantuan adalah dalam bentuk kewangan dan makanan serta barang keperluan asasi dan dihulurkan dengan segera mengikut keperluan mangsa.

3.5. Bantuan kepada Orang Kelainan Upaya

Bantuan bertujuan bagi menangani kebajikan dan kesejahteraan golongan orang kelainan upaya bagi mempertingkatkan keupayaan dan potensi mereka serta memberi peluang saksama untuk mereka menjalani kehidupan sama seperti anggota masyarakat yang lain.

Bantuan diberikan dalam bentuk peralatan keperluan orang-orang kelainan upaya untuk mempertingkatkan keupayaan dan potensi mereka dalam sama-sama membangun bangsa dan negara. Yayasan juga memberikan sumbangan dan sokongan kepada pertubuhan bukan kerajaan dan pihak-pihak berkenaan yang mengendalikan program pembangunan dan pemulihan golongan yang mempunyai kelainan upaya di negara ini.

4 Program Sultan's Scholar Yayasan Sultan Haji Hassanal Bolkiah

4.1. Penganugerahan Biasiswa Sultan's Scholar

Biasiswa Sultan's Scholar Yayasan Sultan Haji Hassanal Bolkiah merupakan satu skim biasiswa khas yang berprestij dan ditawarkan oleh Yayasan kepada penuntut-penuntut terpilih yang telah mendapat keputusan cemerlang dalam peperiksaan di Peringkat Lanjutan (G.C.E 'A' Level) atau yang sebanding dengannya serta bergiat aktif dalam kegiatan luar sekolah (*co-curricular activities*) termasuk kegiatan kemasyarakatan.

Para penerima biasiswa Sultan's Scholar dinilai berpandukan kepada beberapa syarat dan kelayakan yang telah ditetapkan. Penilaian dikendalikan oleh dua buah jawatankuasa yang dikenali dengan Jawatankuasa Kerja Bagi



Pelaksanaan Skim Biasiswa Sultan's Scholar Yayasan Sultan Haji Hassanal Bolkiah dan Jawatankuasa Pandu bagi Pelaksanaan Skim Biasiswa Sultan's Scholar Yayasan Sultan Haji Hassanal Bolkiah.

Penerima anugerah biasiswa ditawarkan untuk mengikuti pengajian dari peringkat Ijazah Pertama dalam pelbagai bidang di universiti terkemuka di seluruh dunia yang dikenal pasti oleh Yayasan dan diiktiraf oleh Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam. Antara keistimewaan bagi penerima-penerima biasiswa Sultan's Scholar ialah meneruskan pengajian mereka di universiti-universiti terkemuka di seluruh dunia. Proses kemasukan ke universiti-universiti ternama ini melibatkan persaingan yang tinggi daripada pelajar-pelajar cemerlang dari seluruh dunia.

Penganugerahan biasiswa ini bertujuan untuk mengetengahkan para pelajar yang berpotensi bagi mengikuti kursus-kursus yang diutamakan oleh kerajaan bagi meningkatkan bilangan tenaga manusia yang berkualiti dalam kalangan rakyat Kebawah Duli Yang Maha Mulia yang terlatih dan profesional bagi keperluan Negara Brunei Darussalam sejajar dengan Wawasan Brunei 2035 bagi melahirkan generasi yang berpendidikan tinggi, berkemahiran serta berjaya dalam segala lapangan. Mereka diharapkan dapat menjadi pemimpin yang cemerlang, menyumbang kepada pembangunan sosial dan ekonomi negara serta menjadi generasi penerus yang akan memberi tumpukan kepada kepimpinan bagi agama, raja dan negara.

Sejak biasiswa Sultan's Scholar mula diperkenalkan pada tahun 2006 dan sehingga sekarang (2019), seramai 47 orang penuntut telah menerima anugerah tersebut. Seramai 28 orang telah berkhidmat di sektor kerajaan dan swasta dan sebahagianya masih menjalani latihan dan dalam pengajian.

4.2. Skim Meninggikan Tahap Pengajian

Bermula tahun 2013, Yayasan telah memperluaskan skim biasiswa Sultan's Scholar dengan memperkenalkan skim meninggikan tahap pengajian sehingga ke peringkat Doktor Falsafah.

Sehingga tahun 2019, seramai lima orang telah menerima biasiswa bagi melanjutkan pengajian ke peringkat Doktor Falsafah. Manakala, empat orang pula menerima biasiswa bagi meninggikan tahap pengajian ke peringkat Sarjana.

4.3. Program Perkembangan Penerima Biasiswa Sultan's Scholar

Program Perkembangan bagi Penerima Biasiswa Sultan's Scholar Yayasan Sultan Haji Hassanal Bolkiah bertujuan untuk memperkasa para graduan Sultan's Scholar menjadi individu cemerlang sebagai generasi penerus dan pelapis untuk membarisi tumpukan pemimpin yang akan menerajui Negara Brunei Darussalam ke arah yang lebih sejahtera dengan mengekalkan cara hidup kebruneian yang taat beragama dan setia kepada Raja dan pemimpin selaras dengan falsafah Melayu Islam Beraja. Perisian Program Perkembangan dirancang dengan rapi bagi memperluaskan pengalaman, pengetahuan dan kepekaan graduan Sultan's Scholar terhadap keperluan negara khususnya mengenai perkembangan, isu dan cabaran yang dihadapi negara ke arah mencapai Wawasan Brunei 2035.

5 Program Intervensi Pendidikan

Golongan sasar bagi Program Intervensi Pendidikan (PIP) terdiri daripada anak-anak daripada keluarga kurang berkemampuan dan anak-anak yang mempunyai pencapaian pelajaran yang rendah. Tujuan PIP adalah untuk memberikan bantuan dan bimbingan golongan sasarnya memperbaiki pencapaian pelajaran mereka supaya dapat meneruskan pengajian ke peringkat yang lebih tinggi. Pencapaian cemerlang anak-anak dalam bidang pendidikan memainkan peranan penting dalam memperbaiki taraf kehidupan sesebuah keluarga. PIP merupakan inisiatif Yayasan bertujuan untuk membentuk masyarakat yang berpendidikan dan berilmu serta mempunyai daya saing dan bermotivasi. PIP juga dihasratkan bagi meningkatkan taraf kehidupan rakyat melalui peningkatan pencapaian pendidikan supaya dapat memecah lingkaran kebergantungan masyarakat kepada bantuan kebajikan.



5.1. Projek Kelas Tuisyen PIP

Projek Kelas Tuisyen PIP mula diperkenalkan pada tahun 2006 dan masih berjalan sehingga sekarang. Projek ini dikendalikan dengan kerjasama Kementerian Pendidikan dan tenaga pengajar terdiri daripada para sukarelawan Yayasan. Tujuan projek adalah untuk memberikan bantuan dan bimbingan golongan sasarnya dalam memperbaiki pencapaian pelajaran mereka supaya tidak tercicir dan berpeluang meneruskan pengajian ke peringkat yang lebih tinggi. Para pelajar yang mengikuti kelas tuisyen PIP ini ialah pelajar dari Tahun 5, Tahun 6, Tahun 10 dan Tahun 11.

Kelas tuisyen diadakan pada setiap hari Ahad kecuali di Daerah Temburong diadakan pada hari Isnin dan Selasa di sebelah malam. Mata pelajaran yang diajarkan ialah mata pelajaran teras. Tenaga pengajar terdiri daripada para sukarelawan yang mempunyai latar belakang bidang pendidikan.

Secara keseluruhannya, pencapaian bagi semua pelajar yang mengikuti kelas tuisyen menunjukkan peningkatan pada setiap tahun. Kejayaan projek ini telah mendorong Yayasan untuk mengembangkannya ke seluruh negara secara berperingkat. Sehingga 2019, sebanyak lapan buah pusat kelas tuisyen PIP telah disediakan di seluruh negara. Jumlah pelajar yang diserapkan bagi mengikuti kelas tuisyen PIP juga bertambah setiap tahun. Sejak tahun 2006 sehingga 2019, seramai 5,724 orang pelajar telah mengikuti projek kelas tuisyen PIP.

Keistimewaan kelas tuisyen PIP ialah kesemua pelajar yang menyertai kelas tidak dikenakan sebarang bayaran. Biaya pengangkutan dan segala peralatan persekolahan yang diperlukan pelajar disediakan oleh Yayasan. Selain itu, para pelajar juga mengikuti aktiviti perkhemahan motivasi pada cuti penggal persekolahan.

5.2. Projek Kemahiran Keibubapaan

Dengan adanya pelbagai cabaran mendepani kehidupan harian, para ibu bapa dan penjaga perlu membekalkan diri dengan ilmu dan kemahiran keibubapaan serta meningkatkan kepekaan terhadap keadaan sekeliling. Para ibu bapa perlu dibantu dan dibimbing agar mereka mampu melaksanakan tanggungjawab sebagai ibu bapa dengan berkesan terutama dalam konteks dan isu yang berkaitan dengan pelajaran dan persekolahan anak-anak. Beberapa program telah

dilaksanakan oleh Yayasan dengan kerjasama Kementerian Pendidikan seperti bengkel 'Training of Trainers - Parental Skill' dan Program Kemahiran Keibubapaan khusus bagi para ibu bapa yang mempunyai anak-anak yang berkeperluan khas.

5.3. Projek Sarapan Sekolah (Breakfast for School)

Program Sarapan Sekolah mula dilaksanakan pada tahun 2016, iaitu hasil laporan daripada beberapa buah sekolah yang menyatakan meningkatnya bilangan pelajar daripada keluarga kurang berkemampuan yang datang ke sekolah dalam keadaan lapar. Pemberian sarapan dihasratkan bagi membantu para pelajar untuk menumpukan perhatian dalam pelajaran dengan baik. Sarapan merupakan hidangan yang paling penting bagi membekalkan tenaga dan nutrien dalam badan yang diperlukan sepanjang hari. Banyak kajian menunjukkan kesan positif terhadap para pelajar yang mengambil sarapan yang berkhasiat khususnya dalam meningkatkan tumpuan dan kecerdasan para pelajar.

Sehingga tahun 2019, seramai 3,919 orang pelajar dari beberapa buah sekolah di seluruh negara telah menerima bantuan melalui projek ini.

Beberapa buah syarikat turut serta menjayakan program ini dengan sama-sama menyumbang makanan seperti Royal Brunei Catering Sdn. Bhd. yang membekalkan hidangan sup, Gardenia Food Industries Sdn. Bhd. yang membekalkan roti dan bun dan Syarikat Ideal Multifeed Farm (Brunei) Sdn Bhd yang membekalkan telur. Selain itu, Persatuan Pacuan Empat Roda Brunei Darussalam dan ahli-ahlinya secara sukarela mengambil dan menghantar makanan (sarapan) daripada pihak pembekal kepada sekolah-sekolah yang telah dikenal pasti sepanjang tahun 2016 dan 2017.

5.4. Bantuan Peralatan dan Keperluan Persekolahan

Bantuan peralatan dan keperluan persekolahan bertujuan bagi menyediakan keperluan persekolahan kepada para pelajar daripada keluarga kurang berkemampuan untuk memberi peluang dan motivasi kepada mereka meneruskan pengajian mereka dengan sempurna. Bantuan juga bertujuan bagi meringankan beban perbelanjaan ibu bapa daripada keluarga kurang berkemampuan dalam menyediakan keperluan persekolahan anak-anak mereka khususnya pada setiap menjelang penggal pertama persekolahan setiap tahun.

Selain itu, bantuan peralatan dan keperluan persekolahan juga diberikan kepada anak-anak daripada keluarga yang ditimpa musibah seperti mangsa kebakaran dan banjir. Bantuan bertujuan supaya para pelajar yang terlibat dapat meneruskan semula aktiviti persekolahan mereka dengan segera.

Bantuan diberikan dalam bentuk kupon bagi pembelian buku, pakaian seragam dan peralatan sekolah.

6 Program Dermasiswa Pendidikan

Bantuan dermasiswa pendidikan bertujuan untuk memberi peluang kepada penuntut-penuntut persendirian (yang tidak menerima biasiswa daripada mana-mana pihak) bagi meneruskan pengajian mereka sehingga ke peringkat tinggi dalam pelbagai bidang di dalam dan luar negara. Dermasiswa tersebut berbentuk bantuan sara hidup bulanan, bayaran yuran pengajian dan sebagainya, mengikut kesesuaian yang difikirkan perlu dan menepati kriteria yang ditetapkan.

Pada tahun 2011, Yayasan memperkenalkan pemberian dermasiswa (bursary) bagi meneruskan pengajian ke Sekolah Menengah Yayasan Sultan Haji Hassanal Bolkiah. Penuntut yang dipilih bagi menerima dermasiswa tersebut terdiri daripada para penuntut yang mengikuti kelas tuisyen di bawah Program Intervensi Pendidikan (PIP) yang dianjurkan oleh Yayasan dan memperoleh keputusan cemerlang dalam peperiksaan Penilaian Sekolah Rendah (PSR). Mereka akan meneruskan pengajian dari Tahun 7 hingga Tahun 11 di Sekolah Menengah Yayasan. Dermasiswa tersebut termasuk bayaran yuran pengajian, wang saku, perbelanjaan pengangkutan, bayaran peperiksaan awam, pakaian seragam sekolah, pakaian sukan, buku-buku dan peralatan sekolah. Seramai 63 orang pelajar telah menerima dermasiswa ini dan sebahagiannya telah meneruskan pengajian ke peringkat tinggi.



7 Program Meningkatkan Sosioekonomi

Yayasan secara berterusan mengendalikan bantuan pengupayaan diri dengan menganjurkan beberapa program dan kursus kemahiran yang bersesuaian, di samping pemberian bantuan modal bagi menjalankan perusahaan atau perniagaan sendiri. Bantuan ini dihasratkan untuk menambah pendapatan bagi menampung perbelanjaan sara hidup seharian di samping menanamkan sikap berdikari tanpa perlu berharap kepada bantuan semata-mata.

Bermula pada Mac 2015, Yayasan telah memperkenalkan Skim Pembiayaan Kebajikan (SPK), iaitu hibrid bagi program pemberian bantuan modal perniagaan dan perusahaan kepada keluarga kurang berkemampuan bagi mempertingkatkan keberkesanan bantuan ini. Melalui bantuan SPK, Yayasan memberikan bantuan modal kepada keluarga-keluarga kurang berkemampuan tetapi mempunyai kebolehan fizikal dan minda serta mempunyai minat untuk melaksanakan perusahaan atau perniagaan. Bantuan modal diberikan adalah mengikut kriteria yang telah ditetapkan oleh Yayasan dan mengikut kesesuaian pemohon. Selain itu, beberapa program juga diaturkan untuk disertai oleh para penerima bantuan SPK seperti program bimbingan dan kemahiran serta program pemantauan. Program ini dihasratkan dapat membantu mereka supaya berkebolehan untuk menguruskan perusahaan dan perniagaan dengan teratur sehingga berjaya menjadi pengusaha yang berkemahiran dan berupaya merubah kehidupan mereka ke tahap yang lebih baik dan seterusnya terkeluar daripada lingkungan kemiskinan.



8 Program Memperkasa Belia

Program Memperkasa Belia bertujuan mempersiapkan belia untuk mengharungi cabaran masa depan dengan mempertingkatkan penglibatan dan penyertaan mereka dalam agenda pembangunan masyarakat dan negara. Penglibatan dan inisiatif Yayasan melalui program ini adalah dengan memberikan sokongan dan sumbangan kepada badan-badan sukarela dan pihak-pihak berkenaan yang mengendalikan projek dan aktiviti pembangunan belia di negara ini seperti konvensyen belia, perkhemahan belia, perlawanan sukan dan sebagainya.



9 Program Keilmuan dan Kemasyarakatan

Yayasan mengambil peranan dalam memupuk kecemerlangan dalam bidang keilmuan, penyelidikan dan perkembangan, kesusasteraan dan kebudayaan dengan menganjurkan beberapa program dalam bidang tersebut. Antaranya ialah menganjurkan syarahan umum seperti Syarahan Memorial Sultan Omar 'Ali Saifuddien; Anugerah Kesusasteraan Islam Yayasan Sultan Haji Hassanal Bolkiah dan Anugerah Penulisan Islam Yayasan Sultan Haji Hassanal Bolkiah yang bertujuan bagi memberikan pengiktirafan tertinggi dalam bidang sastera dan penulisan.

Selain itu, Yayasan juga memberi sokongan dan sumbangan kepada pertubuhan bukan kerajaan dan pihak-pihak berkenaan dalam mengendalikan beberapa kegiatan dan program keilmuan dan kemasyarakatan seperti penerbitan buku, konvensyen, seminar, bengkel dan sebagainya.





10 Program Pembangunan Modal Insan

Penubuhan Sekolah Yayasan Sultan Haji Hassanal Bolkiah dan Pusat Pengajian Kesenian dan Kaligrafi Islam Yayasan Sultan Haji Hassanal Bolkiah merupakan penglibatan Yayasan dalam menyediakan prasarana dan perkhidmatan pendidikan sebagai sumbangan ke arah perkembangan pendidikan dan pembangunan modal insan selaras dengan dasar dan falsafah pendidikan di Negara Brunei Darussalam.

10.1. Sekolah Yayasan Sultan Haji Hassanal Bolkiah

Sekolah Yayasan yang terdiri daripada Taman Asuhan Kanak-Kanak, Sekolah Rendah dan Sekolah Menengah menawarkan perkhidmatan pendidikan dari peringkat taman asuhan sehingga ke peringkat Peperiksaan Brunei Cambridge Peringkat 'O' (GCE 'O' Level) Tahun 11 dan menawarkan kelas bagi pengajaran sekolah agama (di bawah kendalian Jabatan Pengajian Islam, Kementerian Hal Ehwal Ugama) di bawah satu bumbung. Sekolah Yayasan beralamat di Jalan Kebangsaan, Berakas.

Dengan struktur dan rekabentuk bangunan yang menarik serta dilengkapi dengan kemudahan-kemudahan yang bersesuaian dan terkini, Sekolah Yayasan menyediakan persekitaran pengajaran dan pembelajaran yang sangat kondusif.

Sekolah Yayasan mempraktikkan sistem pengajaran dan pembelajaran yang tersendiri dengan menerapkan falsafah kebangsaan Melayu Islam Beraja di samping mempraktikkan kurikulum nasional yang disediakan oleh Jabatan Perkembangan Kurikulum, Kementerian Pendidikan, Negara Brunei Darussalam.

Dengan cogan kata 'Sekolah Ku, Kebanggaan Ku', Sekolah Yayasan telah berjaya bertapak sebagai sebuah institusi pendidikan swasta yang dikenali dengan mencatat rekod pencapaian akademik dan aktiviti kokurikulum yang cemerlang.

10.2. Pusat Pengajian Kaligrafi dan Kesenian Islam Yayasan Haji Hassanal Bolkiah

Pusat Pengajian Kaligrafi dan Kesenian Islam Yayasan menawarkan program pengajian dalam bidang seni Islam dan kaligrafi bagi mengembangluaskan ilmu pengetahuan dan kemahiran dalam seni Islam terutamanya seni mushaf, kaligrafi dan seni hiasan Islam.

Pusat Pengajian Kaligrafi dan Kesenian Islam Yayasan masih dalam peringkat awal penubuhannya sebagai sebuah pusat pengajian. Walau bagaimanapun, pusat ini telah menawarkan beberapa kursus dan bengkel dalam bidang seni Islam dan kaligrafi. Selain itu, pusat ini juga menawarkan hasil karya kaligrafi untuk tempahan orang ramai, penyurihan semula buku Yasin, takhtim dan doa-doа dengan tulisan tangan dan juga karya-karya kaligrafi berupa ayat-ayat daripada Al-Quran dan sebagainya.

Pusat ini beralamat di Rumah Semaun, Jalan Jerambak, Bandar Seri Begawan. Pusat ini juga menyediakan Galeri Kaligrafi Islam yang dibukakan bagi kunjungan orang ramai.

11 Program Pelaburan dan Komersil

Yayasan sentiasa meneroka saluran yang boleh mengembangmajukan dana kewangannya bagi membiayai dan mengendalikan program-program amalnya secara berterusan. Yayasan mengambil bahagian dalam apa jua aktiviti perusahaan, komersil dan industri; membeli dan mendapatkan stok dan saham; dan menubuhkan syarikat atau perbadanan sepetimana yang dibolehkan dalam Akta Yayasan.

11.1. Pelaburan Dana Yayasan

Pelaburan Dana Yayasan dihasratkan bagi menjana penumbuhan, kemajuan dan kestabilan dana Yayasan bagi keperluan jangka masa panjang. Sebuah Jawatankuasa Pelaburan telah ditubuhkan yang bertindak bagi memantau dan mengendalikan pengurusan pelaburan dana Yayasan di dalam dan di luar negara secara teratur, terarah dan berterusan.

11.2. Penubuhan Syarikat Yayasan

Pada 26 Syaaban 1437 bersamaan 2 Jun 2016, sebuah syarikat milik penuh Yayasan telah ditubuhkan di bawah Akta Syarikat Penggal 39 sebagai sebuah Syarikat Sendirian Berhad. Syarikat tersebut dikenali dengan nama Syarikat Wadah Amal Sendirian Berhad.

11.3. Kompleks Yayasan Sultan Haji Hassanal Bolkiah

Kompleks Yayasan merupakan projek pelaburan Yayasan dalam bidang harta tanah. Kompleks Yayasan menyediakan ruang seluas 110,305 meter persegi untuk disewa bagi pelbagai aktiviti komersial.

Bermula pada tahun 2017, pengurusan Kompleks Yayasan dikendalikan oleh syarikat milik penuh Yayasan, iaitu Syarikat Wadah Amal Sendirian Berhad bagi membolehkan aktiviti komersial kompleks ini berjalan dengan lebih teratur.



Sembah Kesukuran Sempena Hari Keputeraan Kebawah Duli Yang Maha Mulia Ke-73 Tahun



Seluruh warga kerja Yayasan Sultan Haji Hassanal Bolkiah menyembahkan rasa syukur sempena Sambutan Hari Keputeraan Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam Ke-73 tahun dan seterusnya mendoakan semoga Baginda dilanjutkan usia dan sentiasa berada dalam perlindungan dan keredaan Allah subhanahu wa taala, sihat walafiat, sejahtera serta kekal karar memerintah turun-temurun di atas takhta singgahsana kerajaan dan Negara Brunei Darussalam dalam keadaan aman dan damai dengan rahmat, taufik dan inayah Allah subhanahu wa taala.

Bagi menzahirkan sembah kesukuran dan taat setia Kehadapan Majlis Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam, warga kerja Yayasan telah turut serta bersama-sama ribuan rakyat dan penduduk dari Daerah Brunei dan Muara di Majlis Ramah Mesra dan Junjung Ziarah Bersama Rakyat dan Penduduk sempena Sambutan Ulang Tahun Hari Keputeraan Baginda Ke-73 tahun pada 25 Zulkaedah 1440 bersamaan 28 Julai 2019 di Taman Haji Sir Muda Omar 'Ali Saifuddien, Bandar Seri Begawan.

Keberangkatan Kebawah Duli Yang Maha Mulia berkenan bercemar Duli ke Majlis Ramah Mesra dan Junjung Ziarah tersebut mencerminkan sifat kepimpinan dan pemedulian serta tanda kasih Baginda terhadap rakyat jelata. Majlis Ramah Mesra dan Junjung Ziarah merupakan saat yang sememangnya dinanti-nantikan dan memberi peluang keemasan kepada segenap lapisan rakyat dan penduduk untuk beramah mesra dengan Raja yang dikasihi.

Semasa Majlis Ramah Mesra dan Junjung Ziarah tersebut, Yayasan mempersembahkan kehadapan Majlis Kebawah Duli Yang Maha Mulia sebuah kraftangan berupa Lakaran Jubin bertemakan Bunga Simpur yang dihasilkan oleh 73 orang pelajar Sekolah



Yayasan Sultan Haji Hassanal Bolkiah dari peringkat taman asuhan, rendah dan menengah. Pembuatan kraftangan tersebut diselia oleh seorang artis terkenal dan profesional dari Itali, iaitu Mr Sergio Furnari yang telah banyak menghasilkan sentuhan tangan beliau di bangunan-bangunan terkemuka di seluruh dunia. Di samping itu, Yayasan juga mempersembahkan sebuah hasil

karya kaligrafi yang dihasilkan oleh Pusat Pengajian Kesenian dan Kaligrafi Islam Yayasan Sultan Haji Hassanal Bolkiah.

Yayasan ditubuhkan sebagai wadah amal jariah Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-

Pertuan Negara Brunei Darussalam dan ahli Kerabat Diraja Baginda. Penubuhan Yayasan adalah sebagai tanda pemedulian dan kasih Baginda kepada rakyat dan penduduk di Negara Brunei Darussalam dan sebagai lambang pembentukan dan perpaduan masyarakat yang sejahtera dan makmur. ●



Sembahyang Sunat Hajat Berjemaah bagi Pelajar Kelas Tuisyen PIP

Yayasan Sultan Haji Hassanal Bolkiah menganjurkan Sembahyang Sunat Hajat Berjemaah, iaitu khusus bagi para pelajar yang mengikuti kelas tuisyen di bawah

Program Intervensi Pendidikan (PIP) Yayasan bagi sesi pengajian 2019 secara serentak di keempat-empat daerah pada 27 Muhamarram 1441 bersamaan 27

September 2019. Sembahyang Sunat Hajat Berjemaah diadakan sebagai penutup bagi aktiviti kelas tuisyen PIP.

Di Daerah Brunei dan Muara, Sembahyang Sunat Hajat Berjemaah diadakan di Masjid Yayasan Sultan Haji Hassanal Bolkiah, Kampung Bolkiah 'A'. Hadir selaku tetamu kehormat ialah Yang Berhormat Dato Seri Setia Haji Awang Abdul Mokti bin Haji Mohd Daud, Menteri di Jabatan Perdana Menteri selaku Ahli Lembaga Pengarah Yayasan Sultan Haji Hassanal Bolkiah. Aturcara dimulakan dengan Sembahyang Sunat Hajat Berjemaah, bacaan Surah Yasin beramai-ramai dan diikuti dengan bacaan Saidul Istighfar, Surah Al-Fatihah dan Surah Al-Jumu'ah oleh para pelajar di bawah Projek Tahsin Al-Quran dan Amali Ugama, PIP. Yang Berhormat Dato Seri Setia Haji Awang Abdul Mokti seterusnya menyampaikan sijil penghargaan kepada





tiga buah sekolah yang digunakan sebagai Pusat Tuisyen PIP 2019 di Daerah Brunei Muara, iaitu Sekolah Yayasan Sultan Haji Hassanal Bolkiah, Pusat Tingkatan Enam, Sengkurong dan Sekolah Rendah Pengiran Anak Puteri Besar, Sungai Kebun.

Sembahyang Sunat Hajat Berjemaah di Daerah Tutong diadakan di Masjid Pengiran Anak Haji Mohamed Alam, Kampung Sengkarai. Hadir selaku tetamu kehormat ialah Yang Mulia Pengiran Dato Seri Paduka Haji Bahrom bin Pengiran Haji Bahar, Timbalan Menteri Hal Ehwal Ugama selaku Ahli Lembaga Pengarah Yayasan Sultan Haji Hassanal Bolkiah. Aturcara dimulakan dengan Sembahyang Sunat Hajat Berjemaah, bacaan Surah Yasin beramai-ramai dan diikuti dengan bacaan Saidul Istighfar, Surah Al-Fatihah dan Surah Asy-Syams oleh para pelajar di bawah Projek Tahsin Al-Quran dan Amali, PIP. Yayasan juga menyampaikan sijil penghargaan kepada dua buah sekolah yang digunakan sebagai Pusat

Tuisyen PIP 2019 di Daerah Tutong, iaitu Sekolah Menengah Raja Isteri Pengiran Anak Saleha dan Sekolah Menengah Sayyidina 'Othman. Penyampaian sijil disempurnakan oleh tetamu kehormat, Yang Mulia Pengiran Dato Seri Paduka Haji Bahrom bin Pengiran Haji Bahar.

Di Daerah Temburong pula, Sembahyang Sunat Hajat Berjemaah diadakan di Masjid Utama Mohammad Salleh, Pekan Bangar. Hadir selaku tetamu kehormat ialah Yang Mulia Dr. Dayang Nor Imtihan binti Haji Abd Razak, Setiausaha Tetap (Perancangan, Guna Tanah dan Alam Sekitar) di Kementerian Pembangunan selaku Pemangku Pengarah Urusan Yayasan Sultan Haji Hassanal Bolkiah. Aturcara dimulakan dengan Sembahyang Sunat Hajat Berjemaah, bacaan Surah Yasin beramai-ramai dan diikuti dengan bacaan Saidul Istighfar, Surah Al-Fatihah dan Surah Al-A'la oleh para pelajar di bawah Projek Tahsin Al-Quran dan Amali, PIP. Penyampaian sijil penghargaan kepada Sekolah Rendah Rataie, iaitu

satu-satunya sekolah yang digunakan sebagai Pusat Tuisyen PIP 2019 di Daerah Temburong disempurnakan oleh tetamu kehormat.

Manakala bagi Daerah Belait, Sembahyang Sunat Hajat Berjemaah diadakan di Masjid Kampung Pandan. Hadir selaku tetamu kehormat ialah Yang Mulia Awang Ahmad Jefri bin Abdul Rahman, Penolong Pengarah Urusan Agensi Pelaburan Brunei selaku Ahli Lembaga Pengarah Yayasan Sultan Haji Hassanal Bolkiah. Aturcara dimulakan dengan Sembahyang Sunat Hajat Berjemaah, bacaan Surah Yasin beramai-ramai dan diikuti dengan bacaan Saidul Istighfar, Surah Al-Fatihah dan Surah Adh-Dhuha oleh para pelajar di bawah Projek Tahsin Al-Quran dan Amali, PIP. Yang Mulia Awang Ahmad Jefri seterusnya menyampaikan sijil penghargaan kepada dua buah sekolah yang digunakan sebagai Pusat Tuisyen PIP 2018 di Daerah Belait, iaitu Sekolah Ugama Paduka Seri Begawan Sultan Omar 'Ali Saifuddien dan Sekolah Rendah Panaga, Seria.

Kelas tuisyen PIP menumpukan pembelajaran mata pelajaran teras bagi memastikan para pelajar mendapat keputusan cemerlang dalam peperiksaan supaya mereka mendapat peluang terbaik dalam meneruskan pengajian ke peringkat yang lebih tinggi. Selain itu, mata pelajaran Al-Quran dan amali agama juga diserapkan dalam program PIP yang dipanggil dengan Projek Tahsin.

Pada tahun 2019, seramai 542 orang pelajar mengikuti projek kelas tuisyen PIP di lapan buah pusat di seluruh negara. Seramai 338 orang di Daerah Brunei dan Muara, seramai 145 orang di Daerah Tutong, seramai 32 orang di Daerah Temburong dan seramai 27 orang di Daerah Belait. ●



Majlis Doa Selamat bagi Bakal Jemaah Haji

Yayasan Sultan Haji Hassanal Bolkiah mengadakan Majlis Doa Selamat khusus bagi warga Yayasan yang menuaikan fardhu haji 1440 Hijrah / 2019 Masihi. Majlis diadakan pada 9 Zulkaedah 1440 bersamaan 12 Julai 2019 di Ibu Pejabat

Yayasan Sultan Haji Hassanal Bolkiah, Jalan Perdana Menteri.

Aturcara majlis dimulakan dengan bacaan Surah Yasin dan tahlil, dan diikuti dengan bacaan doa selamat bagi bakal-bakal jemaah haji.

Penyampaian cenderahati kepada bakal-bakal jemaah haji disampaikan oleh Yang Mulia Awang Ahmad Jefri bin Abdul Rahman, Penolong Pengarah Urusan Agensi Pelaburan Brunei selaku Pemangku Pengarah Urusan Yayasan Sultan Haji Hassanal Bolkiah.

Dua orang warga Yayasan yang menuaikan fardhu haji ialah Yang Mulia Dato Seri Paduka Awang Ahmaddin bin Haji Abdul Rahman, Timbalan Menteri Kewangan dan Ekonomi (Fiskal) selaku Ahli Lembaga Pengarah Yayasan dan Yang Mulia Dayang Wardiah binti Haji Abdul Hamid, Penolong Pegawai Kewangan. ●





RUANG - Kemudahan Baru di Kompleks Yayasan

RUANG merupakan satu kemudahan yang baru disediakan dan direka untuk memenuhi sebarang acara korporat. Terletak di tingkat dua Kompleks Yayasan Sultan Haji Hassanal Bolkiah, RUANG ini menghadap ke mercu tanda ikonik dan indah di Negara Brunei Darussalam seperti Masjid Sultan Omar 'Ali Saifuddien dan Taman Mahkota Jubli Emas.

Berkeluasan 5,000 kaki persegi, RUANG boleh menampung sehingga 200 orang dalam satu acara dan sesuai untuk acara korporat seperti mesyuarat, seminar, bengkel, pameran, majlis makan korporat dan pelancaran produk. Pelanggan juga boleh mendapat manfaat daripada sambungan wi-fi, meja, kerusi, podium dan pentas mudah alih apabila menggunakan RUANG.

RUANG diilhamkan sebagai langkah permulaan dalam mewujudkan suasana dan persekitaran segar dan *vibrant* di Kompleks Yayasan. Premis RUANG membawa konsep baru agar premis berkenaan digunakan untuk kegiatan lebih dinamik dan mampu menarik

klien selepas waktu pejabat. *'Informal co-working space - RUANG'* direka bentuk dengan menggunakan pendekatan '*minimalist*' yang membolehkan pengguna daripada pelbagai entiti korporat, perusahaan, badan-badan dan lain-lain menyusun atur kegiatan sesuai dengan kegiatan masing-masing. RUANG menyediakan '*space*' bagi acara korporat, menawarkan harga, perkhidmatan dan kemudahan terbaik.



Sejak penggunaannya dibukakan, RUANG telah menerima sokongan positif daripada individu dan syarikat seperti Petroleum Brunei, Startup Weekend Brunei dan Pemimpin Al-Huffaz yang telah berjaya melaksanakan kegiatan mereka dalam suasana dan persekitaran yang kondusif. ●

Penerima Biasiswa Sultan's Scholar Meterai Perjanjian Meninggikan Tahap Pengajian



Bagi tahun pengajian 2019/2020, seorang graduan biasiswa Sultan's Scholar telah menerima anugerah biasiswa Sultan's Scholar Yayasan Haji Hassanal Bolkiah bagi meninggikan tahap pengajian. Penerima biasiswa tersebut ialah Yang Mulia Awang Muhammad Aiman Syafiq bin Haji Ramlee. Beliau akan melanjutkan pengajian ke peringkat Sarjana dalam kursus Msc Radiation Biology di University Oxford, United Kingdom.

Majlis Penandatanganan Biasiswa Sultan's Scholar Yayasan Sultan Haji Hassanal Bolkiah bagi Yang Mulia Awang Muhammad Aiman Syafiq untuk meninggikan tahap pengajian ke peringkat Sarjana pada sesi pengajian tahun 2019/2020 diadakan pada 24 Muharam 1441 bersamaan 24 September 2019, di Dewan Serba Guna, Tingkat

4, Kompleks Yayasan, Bandar Seri Begawan. Hadir selaku tetamu kehormat di majlis tersebut ialah Yang Berhormat Pehin Datu Lailaraja Mejar Jeneral (B) Dato Paduka Seri Haji Awang Halbi bin Haji Mohd. Yussof, Menteri Pertahanan Kedua selaku Pengerusi Lembaga Pengarah, Yayasan Sultan Haji Hassanal Bolkiah.

Sebelum ini Yang Mulia Awang Muhammad Aiman Syafiq telah menerima anugerah Biasiswa Sultan's Scholar Yayasan Sultan Haji Hassanal Bolkiah bagi meneruskan pengajian BEng Biomedical Engineering, University College London, United Kingdom. Majlis Penganugerahan Biasiswa Sultan's Scholar Yayasan Sultan Haji Hassanal Bolkiah telah dianugerahkan oleh Kebawah Duli Yang Maha Mulia Paduka

Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam pada 22 Zuhlhijjah 1437 bersamaan 24 September 2016.

Yang Mulia Awang Muhammad Aiman Syafiq juga menerima insentif daripada Yayasan setelah mendapat keputusan cemerlang dalam pengajian dengan mendapat Kepujian Kelas Pertama (*First Class Honours*) BEng Biomedical Engineering di University College London, United Kingdom. Penyampaian insentif Yayasan telah disempurnakan oleh Yang Berhormat Pehin Datu Lailaraja Mejar Jeneral (B) Dato Paduka Seri Haji Awang Halbi bin Haji Mohd. Yussof, Menteri Pertahanan Kedua selaku Pengerusi Lembaga Pengarah Yayasan Sultan Haji Hassanal Bolkiah. ●

Program Memperkasa Belia

Sempena cuti penggal kedua persekolahan, Yayasan telah menganjurkan Program Memperkasa Belia Masjid 2019 (PMBM 2019) yang disertai oleh seramai 50 orang belia lelaki yang berumur antara 15 hingga 25 tahun. Program dikendalikan dengan kerjasama daripada Persatuan Belia Masjid Hassanal Bolkiah, Kampung Mentiri yang dikenali dengan Syabab As-Shaffin dan Pusat Ilmu & Tarbiyah, Al-Minhaaj Centre. Program diadakan di Masjid Hassanal Bolkiah, Kampung Mentiri dan berlangsung selama tiga hari bermula pada 13 Muharam 1441 bersamaan 13 September 2019.

Program ditutup pada 15 Muharam 1441 bersamaan 15 September 2019 dengan majlis penyampaian sijil kepada peserta yang disempurnakan oleh Yang Mulia Dr. Dayang Nor Imtihan binti Haji Abd Razak, Pemangku Pengarah Urusan Yayasan Sultan Haji Hassanal Bolkiah di Masjid Hassanal Bolkiah, Kampung Mentiri.

Yayasan juga memberikan sumbangan dan sokongan kepada pihak-pihak yang mengendalikan program-program pembangunan belia. Pada 11 Muharam 1441 bersamaan 11 September 2019, Yayasan menyampaikan sumbangan kepada dua badan bukan kerajaan yang menganjurkan program pembangunan belia, iaitu Persatuan Belia Belait (PEMBELA) dan Kumpulan Belia 'Ibadurrahman, Masjid Hassanal Bolkiah.

Sumbangan kewangan sebanyak BND15,000 diberikan kepada PEMBELA bagi menganjurkan Persidangan Pertukaran Kebudayaan Brunei Darussalam 2019 (*Brunei Darussalam Youth Cultural Exchange Conference 2019 - BDYCEC 2019*). Sumbangan diterima oleh Yang Mulia Awang Haji Roslan bin Haji Hamdan, Timbalan Yang Di-Pertua PEMBELA.

Kumpulan Belia 'Ibadurrahman, Masjid Hassanal Bolkiah, Pekan Tutong pula

menerima sumbangan kewangan sebanyak BND2,490 bagi membiayai Aktiviti Perkhemahan 'Dare to be Different 3.0' yang dikendalikan oleh Jawatankuasa dan Belia dan Beliananis Kumpulan Belia 'Ibadurrahman dengan kerjasama Jawatankuasa Takmir Masjid Hassanal Bolkiah, Pekan Tutong. Sumbangan daripada Yayasan diterima oleh Yang Mulia Awang Muhammad Firas bin Kalong @ Ibrahim, Ahli Jawatankuasa Kumpulan Belia 'Ibadurrahman, Masjid Hassanal Bolkiah, Pekan Tutong.

Kedua-dua sumbangan tersebut disampaikan oleh Yang Mulia Dr. Dayang Nor Imtihan binti Haji Abd Razak, Setiausaha Tetap (Perancangan, Guna Tanah dan Alam Sekitar) di Kementerian Pembangunan selaku Pemangku Pengarah Urusan Yayasan Sultan Haji Hassanal Bolkiah di majlis penyampaian sumbangan Yayasan di Ibu Pejabat, Yayasan Sultan Haji Hassanal Bolkiah. ●



Bengkel Keusahawanan Skim Pembiayaan Kebajikan



Bengkel Keusahawanan '*Bright Ideas*' dan '*Business Plan Series*' adalah '*bespoke programme*' atau program direncana khas dan merupakan program wajib untuk disertai oleh para pemohon bantuan modal perusahaan atau perniagaan sebelum mereka dipertimbangkan untuk menerima bantuan modal perusahaan atau perniagaan di bawah Skim Pembiayaan Kebajikan (SPK) Yayasan Sultan Haji Hassanal Bolkiah. Bengkel

keusahawanan tersebut dianjurkan oleh Yayasan dengan kerjasama LiveWIRE Brunei.

Seramai 27 orang pemohon yang berkelayakan bagi bantuan modal perusahaan atau perniagaan SPK bagi kohort kedua tahun 2019 telah mengikuti bengkel tersebut. Pada 9 Muharam 1441 bersamaan 9 September 2019 hingga 10 Muharam 1441 bersamaan 10 September

2019, mereka telah mengikuti bengkel '*Bright Ideas*'. Seterusnya pada 12 Muharam 1441 bersamaan 12 September 2019 hingga 13 Muharam 1441 bersamaan 13 September 2019, mereka meneruskan bengkel '*Business Plan Series*'. Kedua-dua bengkel tersebut diadakan di Dewan Serba Guna, Tingkat Empat, Kompleks Yayasan Sultan Haji Hassanal Bolkiah, Bandar Seri Begawan.

Bengkel bertujuan untuk memastikan para penerima bantuan modal keusahawanan SPK Yayasan adalah benar-benar mempunyai kemampuan dan kemahiran dalam bidang perniagaan yang akan mereka ceburi.

Majlis penyampaian sijil-sijil penyertaan kepada para peserta bengkel telah disempurnakan oleh Yang Mulia Awang Haji Musthapa bin Haji Matahir, Penolong Pengarah Urusan Yayasan Sultan Haji Hassanal Bolkiah pada 13 Muharam 1441 bersamaan 13 September 2019. ●





Kem Motivasi Program Intervensi Pendidikan

Perkhemahan Motivasi merupakan salah satu projek di bawah Program Intervensi Pendidikan (PIP) Yayasan Sultan Haji Hassanal Bolkiah sempena cuti penggal persekolahan. Perkhemahan Motivasi PIP 2019 diadakan selama empat hari bermula 9 Muharam 1441 bersamaan 9 September 2019 di Kem Latihan Program Khidmat Bakti Negara, Kampung Batu Apoi, Daerah Temburong. Perkhemahan Motivasi ini disertai oleh seramai 97 orang pelajar yang terdiri daripada pelajar-pelajar Tahun 6 dan Tahun 11 yang mengikuti Projek Kelas Tuisyen Program Intervensi Pendidikan Yayasan Sultan Haji Hassanal Bolkiah dari lapan buah pusat kelas tuisyen PIP Yayasan di seluruh negara. Mereka ini akan menduduki peperiksaan awam, Penilaian Sekolah Rendah dan Peperiksaan BC GCE 'O' Level pada hujung tahun ini.

Bertemakan ISKI (Istiqamah Selalu, Kekalkan Iman), perkhemahan bertujuan bagi menanam semangat yang positif dan membangun serta membentuk

para pelajar untuk menjadi orang yang beriman, berdisiplin, berkeyakinan, bertanggungjawab dan berwibawa yang menjadi asas untuk membantu mereka meraih kejayaan dalam kehidupan.

Sepanjang perkhemahan para peserta berpeluang mengikuti pelbagai aktiviti seperti aktiviti keagamaan, kepimpinan, pembangunan diri, kemasyarakatan, sukan dan riadah. Aktiviti tersebut bertujuan bagi membangunkan jati diri dan meningkatkan keyakinan diri, membuka minda dan menerapkan kefahaman tentang kepentingan disiplin dan ilmu pengetahuan serta kecemerlangan dalam bidang pengajian bagi menuju kehidupan ke arah kejayaan.

Perkhemahan dijayakan dengan kerjasama rakan strategik Yayasan, iaitu Program Khidmat Bakti Negara (PKBN), Kementerian Kebudayaan, Belia dan Sukan; Jabatan Sekolah-sekolah, Kementerian Pendidikan; dan Jabatan Pengajian Islam, Kementerian Hal Ehwal Ugama.

Perkhemahan Motivasi PIP disempurnakan penutupannya dengan penyampaian hadiah dan sijil-sijil penyertaan kepada para peserta dan penyampaian sijil-sijil penghargaan kepada fasilitator perkhemahan yang diadakan pada 12 Muharam 1441 bersamaan 12 September 2019. Hadir selaku tetamu kehormat dan seterusnya menyampaikan sijil-sijil ialah Yang Mulia Awang Ajman bin Haji Meludin, Timbalan Setiausaha Tetap (Keselamatan dan Kesejahteraan), Kementerian Hal Ehwal Dalam Negeri selaku Ahli Jawatankuasa Meneliti Bantuan-Bantuan Yayasan Sultan Haji Hassanal Bolkiah.

Turut hadir di majlis penutup perkhemahan ialah Yang Mulia Kolonel (B) Pengiran Haji Maiddin bin Pengiran Haji Said, Timbalan Setiausaha Tetap Kementerian Kebudayaan, Belia dan Sukan; Yang Mulia Awang Abdul Ghani bin Haji Othman, Pemangku Pegawai Daerah Temburong; dan Penghulu dan Ketua Kampung Batu Apoi. ●

Dua Buah Badan Bukan Kerajaan (NGO) Mendapat Perhatian Yayasan



Kebajikan dan kesejahteraan golongan orang kelainan upaya (OKU) di Negara Brunei Darussalam terus mendapat perhatian daripada Yayasan Sultan Haji Hassanal Bolkiah. Salah satu inisiatif Yayasan dalam memberikan perhatian terhadap golongan OKU adalah dengan memberikan sokongan dan menghulurkan sumbangan kepada badan-badan bukan kerajaan (NGOs) dan pihak-pihak berkenaan yang

memberikan khidmat pemedulian terhadap keperluan golongan OKU.

Dua buah badan bukan kerajaan yang sentiasa mendapat sokongan daripada Yayasan ialah Persatuan SMARTER Brunei dan Pusat Ehsan Al-Ameerah Al-Hajjah Maryam. Sokongan Yayasan ini merupakan sebahagian daripada testimoni kepada komitmen Yayasan sebagai wadah amal jariah atau derma

khairat Kebawah Duli Yang Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam dan ahli kerabat baginda, iaitu sebagai tanda pemedulian dan kasih baginda kepada rakyat di samping membawa kepada pembentukan masyarakat di Negara Brunei Darussalam yang sejahtera dan makmur.

Penyampaian sumbangan Yayasan kepada Persatuan SMARTER Brunei dan Pusat Ehsan Al-Ameerah Al-Hajjah Maryam diadakan pada 21 Zulkaedah 1440 bersamaan 24 Julai 2019. Persatuan SMARTER Brunei ialah persatuan bagi sekumpulan ibu bapa yang mempunyai anak yang memiliki autisme. Persatuan ini menyediakan khidmat keluarga (*family support group*), khidmat pendidikan, pelbagai sumber mengenai autisme dan lain-lain. Manakala, Pusat Ehsan Al-Ameerah Al-Hajjah Maryam pula ialah sebuah badan bukan Kerajaan yang berfungsi menyediakan perkhidmatan dan latihan kepada insan-insan istimewa yang kurang upaya dari segi anggota dan intelek untuk membolehkan mereka mencapai potensi ke tahap maksimum.

Yayasan menyampaikan sumbangan kewangan berjumlah BND50,000 kepada Persatuan SMARTER Brunei. Daripada jumlah sumbangan tersebut, sebanyak 50 peratus digunakan untuk mengendalikan urusan pengajaran dan pembelajaran khusus bagi anak-anak autistik. Manakala, 50 peratus lagi adalah untuk pembayaran yuran pendidikan yang dikenakan oleh SMARTER Brunei bagi mengajar anak-anak autisme daripada keluarga yang berpendapatan rendah. Yayasan juga menyampaikan sumbangan peralatan belajar khusus bagi kegunaan pelajar di Pusat Persatuan SMARTER Brunei.



Sumbangan Yayasan telah disampaikan oleh Yang Berhormat Dato Seri Setia Haji Awang Abdul Mokti bin Haji Mohd Daud, Menteri di Jabatan Perdana Menteri selaku Ahli Lembaga Pengarah Yayasan kepada Yang Mulia Pengiran Zamri bin Pengiran Haji Bujang, Pemangku Yang Dipertua Persatuan SMARTER Brunei.

Yayasan telah mula memberi sokongan kepada Persatuan SMARTER Brunei dengan menghulurkan sumbangan

kewangan secara tahunan sejak tahun 2006. Pada tahun 2015, Yayasan juga telah menaja pembinaan lima buah bilik kelas di Pusat SMARTER di Kampung Mata-Mata, Gadong bagi menampung jumlah pelajar austisme yang kian bertambah di samping menyediakan ruang yang lebih selesa dan kondusif.

Sementara itu, Yayasan turut menyampaikan sumbangan kewangan sebanyak BND50,000 kepada Pusat

Ehsan Al-Ameerah Al-Hajjah Maryam. Sumbangan kewangan tersebut dihasratkan untuk membantu pusat ini dalam mengendalikan perkhidmatan harian. Yayasan telah mula memberikan sumbangan tahunan sebanyak BND50,000 setahun kepada pusat tersebut sejak tahun 2001. Di samping itu, Yayasan turut menyumbangkan dua buah kerusi roda bagi keperluan pelajar di pusat berkenaan. Sumbangan berkenaan diterima oleh Yang Mulia Dato Paduka Haji Alimin bin Haji Abdul Wahab, Pemegang Amanah Kanan (*Senior Trustee*) Pusat Ehsan Al-Ameerah Al-Hajjah Maryam.

Semasa penyampaian sumbangan di kedua-dua pusat berkenaan, Yayasan juga berkesempatan membuat lawatan kerja dan membuat perbincangan dengan pihak pengurusan pusat-pusat berkenaan. Turut serta semasa majlis penyampaian sumbangan dan lawatan kerja ini ialah Yang Mulia Dr. Dayang Nor Imtihan binti Haji Abdul Razak, Setiausaha Tetap (Perancangan, Guna Tanah dan Alam Sekitar) di Kementerian Pembangunan selaku Pemangku Pengaruh Urusan Yayasan Sultan Haji Hassanal Bokiah. ●





Usaha Sama Hulur Bantuan Perumahan

Pada 20 Zulhijjah 1440 bersamaan 21 Ogos 2019, Yayasan bersama-sama dengan Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam melalui Jabatan Pembangunan Masyarakat (JAPEM), Kementerian Kebudayaan, Belia dan Sukan dan Jabatan Daerah Temburong, Kementerian Hal Ehwal Dalam Negeri telah menyerahkan rumah bantuan kepada sebuah keluarga kurang berkemampuan di Kampung Parit, Mukim Amo, Daerah Temburong. Rumah bantuan tersebut adalah bagi keluarga mendiang Dayang Lasabit binti Agong yang dibina di atas tapak rumah mendiang yang terbakar sebelum ini.

Bagi merealisasikan pembinaan rumah bantuan tersebut, yang menelan belanja sebanyak BND55,000, Yayasan menyumbangkan sebahagian daripada jumlah kos pembinaan dan sebahagiannya lagi daripada peruntukan JAPEM. Manakala, Jabatan Daerah Temburong pula membantu dalam penyelenggaraan pembinaan rumah tersebut. Usaha dan kerjasama antara agensi tersebut merupakan suatu yang wajar diteruskan demi mempertingkatkan kesejahteraan

hidup rakyat dan penduduk kerana memberikan pemedulian terhadap kesejahteraan masyarakat adalah tanggungjawab bersama.

Penyampaian anak kunci rumah bantuan yang dibiayai Yayasan dan JAPEM disempurnakan oleh Yang Berhormat Dato Seri Setia Haji Awang Abdul Mokti bin Haji Mohd Daud, Menteri di Jabatan Perdana Menteri selaku Ahli Lembaga Pengarah Yayasan Sultan Haji Hassanal Bolkiah yang juga selaku Penggerusi Jawatankuasa Meneliti Bantuan Yayasan Sultan Haji Hassanal Bolkiah dan Yang Berhormat Mejar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin, Menteri Kebudayaan, Belia dan Sukan. Hadir bagi menerima anak kunci rumah tersebut ialah Yang Mulia Awang Michael Anak Thomas (anak kepada mendiang Dayang Lasabit binti Agong yang telah meninggal dunia pada tahun 2017). Awang Michael Anak Thomas menyatakan rasa syukur dan berterima kasih atas bantuan yang berikan, walaupun ibu beliau telah meninggal dunia, kesejahteraan waris beliau masih terus dipeduli dan diambil perhatian. Menurut beliau lagi, bantuan

ini merupakan suatu yang istimewa dan mencerminkan keprihatinan Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam terhadap rakyat baginda.

Semasa majlis penyampaian anak kunci rumah bantuan tersebut, Yayasan juga menyampaikan sumbangan berupa peralatan perabot rumah sebagai keperluan asas keluarga berkenaan.

Turut hadir di majlis tersebut ialah Yang Berhormat Awang Haji Emran bin Haji Sabtu, Ahli Majlis Mesyuarat Negara, Dr. Dayang Nor Imtihan binti Haji Abdul Razak, Setiausaha Tetap (Perancangan, Guna Tanah dan Alam Sekitar) di Kementerian Pembangunan selaku Pemangku Pengarah Urusan Yayasan Sultan Haji Hassanal Bolkiah, Setiausaha Setiausaha Tetap dan Timbalan-timbalan Setiausaha Tetap di Kementerian Kebudayaan, Belia dan Sukan, Pemangku Pengarah Pembangunan Masyarakat dan Pemangku Pegawai Daerah Temburong. ●



Sokongan terhadap Program Keagamaan dan Keilmuan

Yayasan Sultan Haji Hassanal Bolkiah sentiasa memberikan sokongan kepada pihak-pihak yang berkepentingan seperti institusi pengajian dan institusi masjid bagi mempertingkatkan aktiviti gerakan dakwah dan syiar Islam di negara ini.

Pada 11 Muharam 1441 bersamaan 11 September 2019, Yayasan menyampaikan sumbangan kepada Institut Pengajian Dasar, Universiti Brunei Darussalam dan Balai Ibadat Hajah Aminah, Kampung Long Mayan, Daerah Tutong bagi menyokong usaha kedua-dua pihak tersebut dalam menganjurkan program keagamaan dan keilmuan. Sumbangan Yayasan disampaikan oleh Yang Mulia Dr. Nor Imtihan binti Haji Abdul Razak, Setiausaha Tetap (Perancangan, Guna Tanah dan Alam Sekitar) di Kementerian

Pembangunan selaku Pemangku Pengarah Urusan, Yayasan Sultan Haji Hassanal Bolkiah di Ibu Pejabat Yayasan Sultan Haji Hassanal Bolkiah.

Sumbangan sebanyak BND5,000 diberikan kepada Institut Pengajian Dasar, Universiti Brunei Darussalam bertujuan bagi membaiayai sebahagian daripada perbelanjaan untuk menganjurkan Simposium Antarabangsa Urus Tadbir Islam (*International Islamic Governance Symposium*) Kali Pertama. Dengan tema 'Evolusi Negara Islam' (*The Evolution of the Muslim State*), pengetahuan dan dapatan daripada simposium tersebut dihasratkan sebagai platform bagi mengimplementasikan konsep Melayu Islam Beraja (MIB) dalam sistem pentadbiran negara secara

bersepadu. Sumbangan Yayasan diterima oleh Yang Mulia Dayang Norainie binti Ahmad, Pensyarah dan Penyelaras Program Graduan, Institut Pengajian Dasar, Universiti Brunei Darussalam.

Sumbangan kepada Balai Ibadat Hajah Aminah, Kampung Long Mayan, Daerah Tutong berjumlah BND1,730 pula adalah untuk mengadakan Program Menghalusi Fardu Ain khusus bagi para mualaf di Kampung Long Mayan yang akan diadakan selama empat hari bermula 2 Safar 1441 bersamaan 1 Oktober 2019. Sumbangan Yayasan diterima oleh Yang Mulia Awang Muhd Ghazali bin Muhd Ariffin, Ketua Imam Balai Ibadat Hajah Aminah, Kampung Long Mayan, Daerah Tutong. ●

Keprihatinan Terhadap Kesejahteraan Mangsa Bencana



Pada 3 Zulhijjah 1440 bersamaan 4 Ogos 2019, Yayasan menyampaikan sumbangan kewangan dan makanan asasi kepada sebuah keluarga yang terlibat dalam kejadian kebakaran rumah di Rancangan Perumahan Negara Kampung Mentiri pada 1 Zulhijjah 1440 bersamaan 2 Ogos 2019. Sumbangan Yayasan disampaikan oleh Yang Mulia Awang Haji Musthapa bin Haji Matahir, Penolong Pengarah Urusan Yayasan Sultan Haji Hassanal Bolkiah kepada ketua keluarga Yang Mulia Awang Sabtu bin Timbul di rumah keluarga berkenaan di Rancangan Perumahan Negara Kampung Mentiri.

Pada 8 Zulhijjah 1440 bersamaan 9 Ogos 2019, Yayasan menyampaikan sumbangan kewangan kepada keluarga mangsa yang terlibat dalam kejadian kebakaran rumah dan rumah roboh di Daerah Brunei dan Muara. Sumbangan Yayasan disampaikan oleh Yang Mulia Dr. Nor Imtihan binti Haji Abdul Razak, Setiausaha Tetap (Perancangan, Guna Tanah dan Alam Sekitar) di Kementerian Pembangunan selaku Pemangku Pengarah Urusan Yayasan Sultan Haji Hassanal Bolkiah di Ibu Pejabat Yayasan Sultan Haji Hassanal Bolkiah. Di majlis tersebut sebuah keluarga mangsa kebakaran, iaitu Yang Mulia Dayang Sa'eyah binti Maidin dari Kampung Junjungan menerima sumbangan berbentuk kewangan. Kejadian

kebakaran rumah Dayang Sa'eyah berlaku pada 26 Syawal 1440 bersamaan 30 Jun 2019.

Manakala, empat buah keluarga yang terlibat dalam bencana rumah roboh juga menerima sumbangan kewangan mereka. Ketua keluarga tersebut ialah Yang Mulia Awang Nor Rysma bin Md Idris yang mengalami kejadian rumah roboh di Kampung Lurong Dalam pada 22 Syawal 1440 bersamaan 26 Jun 2019; Yang Mulia Awang Mohd Anuar bin Abdullah @ Awang Jimat Anak Garai dan Yang Mulia Awang Mat Alimin bin Salleh yang mengalami kejadian rumah roboh di Kampung Saba Darat 'B' pada 3 Zulkaedah 1440 bersamaan 6 Julai 2019; dan Yang Mulia Awang Mohammad Suhaimi bin Haji Suhaili dari Kampung Pekan Lama yang juga mengalami kejadian rumah roboh berlaku pada 3 Zulkaedah 1440 bersamaan 6 Julai 2019. Di majlis tersebut, Yayasan turut menyampaikan bantuan peralatan perubatan kepada dua orang penerima, iaitu Yang Mulia Awang Haji Mohammad Saiful bin Haji Sungoh dari Kampung Perpindahan Lambak Kanan yang menerima alat bantuan pernafasan dan Yang Mulia Dayangku Rosmawati binti Pengiran Matusin dari Skim Tanah Kurnia Rakyat Jati Lorong 3 Seria yang menerima sebuah kerusi roda.

Pada 15 Zulhijjah 1440 bersamaan 16 Ogos 2019, Yayasan menyampaikan sumbangan kewangan dan makanan asasi kepada ahli keluarga yang terlibat dalam kejadian kebakaran rumah di Kampung Sungai Besar pada 14 Zulhijjah 1440 bersamaan 15 Ogos 2019. Kejadian kebakaran tersebut telah mengakibatkan kematian seorang warga emas dan 15 penghuni rumah kehilangan harta benda dan tempat tinggal. Sumbangan dalam bentuk makanan asasi dan perbelanjaan pengurusan jenazah disampaikan kepada

ahli keluarga yang terlibat oleh Yang Mulia Dr. Norimthian binti Haji Abdul Razak, Setiausaha Tetap (Perancangan, Guna Tanah dan Alam Sekitar) di Kementerian Pembangunan selaku Pemangku Pengarah Urusan Yayasan Sultan Haji Hassanal Bolkiah di Ibu Pejabat Yayasan Sultan Haji Hassanal Bolkiah. Manakala, sumbangan kewangan kepada 15 orang ahli keluarga yang terlibat telah disampaikan oleh Yang Mulia Awang Haji Musthapa bin Haji Matahir, Penolong Pengarah Urusan Yayasan Sultan Haji Hassanal Bolkiah di rumah salah seorang ahli keluarga mangsa di Jalan Tanjung Selasih Rancangan Perumahan Negara Mengkubau, Mentiri.

Pada 11 Muhamarram 1441 bersamaan 11 September 2019 pula Yayasan telah menyampaikan sumbangan kewangan kepada sebuah keluarga mangsa kebakaran rumah di Kampung Mentiri dan sebuah keluarga mangsa kejadian rumah roboh dari Kampong Saba Darat. Sumbangan kewangan kepada mangsa kebakaran rumah diterima oleh Yang Mulia Awang Sabtu bin Timbul. Kajadian kebakaran rumah beliau berlaku pada 1 Zulhijjah 1440 bersamaan 2 Ogos 2019. Manakala sumbangan Yayasan kepada keluarga mangsa kejadian rumah roboh diterima oleh Yang Mulia Awang Haji Mohd Irni bin Haji Mohd Daud. Kejadian rumah roboh berlaku pada 7 Muhamarram 1441 bersamaan 7 September 2019. Kesemua sumbangan tersebut disampaikan oleh Yang Mulia Dr Nor Imtihan binti Haji Abdul Razak, Setiausaha Tetap (Perancangan, Guna Tanah dan Alam Sekitar) di Kementerian Pembangunan selaku Pemangku Pengarah Urusan Yayasan Sultan Haji Hassanal Bolkiah di Ibu Pejabat Yayasan Sultan Haji Hassanal Bolkiah. ●

Majlis Sambutan Hari Raya Aidiladha dan Ibadah Korban



Badan Kebajikan Pekerja Yayasan Sultan Haji Hassanal Bolkiah mengadakan Majlis Sambutan Hari Raya Aidiladha pada 13 Zulhijjah 1440 bersamaan 14 Ogos 2018 bertempat di Rumah Semaun, Pusat Pengajian Kesenian dan Kaligrafi Islam, Yayasan Sultan Haji Hassanal Bolkiah, Jalan Perdana Menteri, Bandar Seri Begawan.

Majlis Sambutan Hari Raya Aidiladha dan Ibadah Korban merupakan salah satu aktiviti tahunan yang dikendalikan oleh Badan Kebajikan Pekerja Yayasan Sultan Haji Hassanal Bolkiah. Sempena Sambutan Hari Raya Aidiladha tahun

ini, seramai 64 orang pekerja Yayasan dan ahli keluarga menyertai ibadah korban. Sebanyak sembilan ekor kerbau dan seekor kambing disembelih sebagai korban.

Hadir selaku tetamu kehormat dan seterusnya menyampaikan daging-daging korban kepada para peserta yang menyertai ibadah qurban dan golongan fakir miskin ialah Yang Berhormat Pehin Datu Lailaraja Mejar Jeneral (B) Dato Paduka Seri Haji Awang Halbi bin Haji Mohd Yussof, Menteri Pertahanan Kedua selaku Penggerusi Lembaga Pengarah Yayasan Sultan Haji Hassanal

Bolkiah. Turut hadir ialah Yang Mulia Dr. Nor Imtihan binti Haji Abdul Razak, Setiausaha Tetap (Perancangan, Guna Tanah dan Alam Sekitar) di Kementerian Pembangunan selaku Pemangku Pengarah Urusan Yayasan Sultan Haji Hassanal Bolkiah.

Penyampaian daging-daging korban kepada golongan fakir miskin disampaikan melalui ketua-ketua kampung dan wakil-wakil yang telah dikenal pasti, iaitu Ketua Kampung Bolkiah 'A', Ketua Kampung Bolkiah 'B', Ketua Kampung Setia 'A' dan Ketua Kampung Setia 'B'. ●



11 Orang Anak Yatim Menerima Anugerah Insentif Pelajar Cemerlang

Anugerah Insentif Pelajar Cemerlang Dana Pengiran Muda Mahkota Al-Muhtadee Billah untuk Anak-anak Yatim (AIPC-DANA) yang disediakan oleh Dana Pengiran Muda Mahkota Al-Muhtadee Billah untuk Anak-anak Yatim (DANA) bertujuan sebagai pendorong kepada anak-anak yatim untuk menghargai kepentingan pendidikan dan seterusnya menyuntik semangat mereka untuk terus berusaha bagi meraih kejayaan khususnya dalam bidang pelajaran. Pelaksanaan AIPC-DANA adalah selaras dengan tujuan penubuhan DANA, iaitu bagi membantu anak-anak yatim mendapatkan asuhan, pimpinan dan pendidikan bagi menjadikan mereka sebagai warganegara yang berguna.

AIPC-DANA juga dihasratkan dapat menimbulkan kesedaran dalam kalangan

anak-anak yatim bahawa mereka sentiasa diberikan perhatian yang wajar oleh masyarakat khususnya dalam mencapai kejayaan dalam hidup walaupun mereka sudah kehilangan tempat bergantung yang utama.

Pada tahun ini, seramai 11 orang anak yatim yang mendapat keputusan cemerlang dalam peperiksaan awam tahun 2018 telah dipilih untuk menerima anugerah tersebut. Pelajar-pelajar yang menerima AIPC-DANA 2019 adalah seperti yang berikut:

Peperiksaan Brunei Cambridge GCE 'O' Level

Penerima AIPC-DANA 2019 bagi Peperiksaan Brunei Cambridge GCE 'O' Level ialah Dayang Adriana Muzfirah binti Haji Roslan. Beliau menerima insentif

berupa sebuah sijil penghargaan, satu unit komputer berserta mesin pencetak dan pakej kemudahan belajar selama dua tahun dalam bentuk wang tunai bernilai BND760.00.

Peperiksaan Penilaian Sekolah Rendah (PSR)

Seramai lima orang anak yatim menerima AIPC-DANA 2019 bagi Peperiksaan Penilaian Sekolah Rendah (PSR). Mereka ialah Dayang Najma binti Haji Najdi, Dayang Aliyah Maisarah binti Abdullah, Dayang Shakila Diba Rakshanda binti Kaharuddin, Dayang Nawwal Najihah binti Mustapa dan Dayang Nur Ain Arisha binti Md Armus. Setiap seorang menerima sebuah sijil penghargaan, satu unit komputer berserta mesin pencetak dan juga pakej kemudahan belajar selama dua tahun dalam bentuk wang tunai bernilai BND400.00.





Peperiksaan Sijil Sekolah-Sekolah Rendah Ugama Darjah 6 (SSSRU)

Seramai lima orang anak yatim menerima AIPC-DANA 2019 bagi Peperiksaan Sijil Sekolah-Sekolah Rendah Ugama Darjah 6 (SSSRU). Mereka ialah Dayang Nurfatihah binti Abdullah Abdul Pathah, Dayangku Aleeya Maisarah binti Pengiran Dazulkipli, Dayang Nur Sarah binti Abdullah Abdul Rahman, Awang Mohammad Amir Hamzah bin Haji Kalong dan Dayang Adlina Munirah binti Haji Roslan. Setiap seorang

menerima sebuah sijil penghargaan, satu unit komputer berserta mesin pencetak dan juga wang simpanan sebanyak BND500.00 yang dikreditkan terus ke Akaun DANA masing-masing di Perbadanan Tabung Amanah Islam Brunei.

Penyampaian AIPC-DANA telah disempurnakan oleh Yang Berhormat Pehin Datu Lailaraja Mejar Jeneral (B) Dato Paduka Seri Haji Awang Halbi bin Haji Mohd Yussof, Menteri Pertahanan

Kedua selaku Pengerusi Lembaga Pemegang Amanah Dana Pengiran Muda Mahkota Al-Muhtadee Billah untuk Anak-anak Yatim di Majlis Penyampaian AIPC-DANA kali ke-12 pada 6 Zulkaedah 1440 bersamaan 9 Julai 2019 di Dewan Serba Guna, Kompleks Yayasan Sultan Haji Hassanal Bolkiah, Bandar Seri Begawan. Turut hadir di majlis tersebut ialah Yang Mulia Awang Ahmad Jefri bin Abdul Rahman, Penolong Pengarah Urusan Agensi Pelaburan Brunei selaku Pemangku Ketua Pegawai Eksekutif DANA. ●



Sumbangan Hasil Kutipan 'SMS' Brunei Prihatin bagi DANA Tahun 2018 - 2019



Projek 'SMS' Brunei Prihatin bagi DANA merupakan salah satu usaha Dana Pengiran Muda Mahkota Al-Muhtadee Billah untuk Anak-anak Yatim (DANA) dalam menyediakan mekanisme yang mudah untuk orang ramai menyalurkan sumbangan ikhlas mereka khusus kepada anak-anak yatim di negara ini.

Pelaksanaan projek 'SMS' Brunei Prihatin bagi DANA Tahun 2018-2019 telah mendapat sokongan daripada beberapa pihak. Dua buah syarikat telekomunikasi, iaitu DST dan Progresif Cellular Sdn Bhd telah memberi kemudahan perkhidmatan 'SMS' kepada para penyumbang yang membuat sumbangan kepada DANA tanpa caj. Manakala, Jabatan Radio dan Televisyen Brunei (RTB) bertindak sebagai penyalur maklumat (promo 'SMS') kepada orang ramai melalui rangkaian radio dan televisyen RTB. Selain ditayangkan di RTB, promo tersebut juga ditayangkan di pawagam, iaitu The Mall Cineplex, Times Cineplex dan The Arena Cineplex.

'SMS' Brunei Prihatin bagi DANA Tahun 2018-2019 yang berlangsung selama 67 hari, iaitu bermula dari 18 Rabiulawal

1440 bersamaan 26 November 2018 hingga 25 Jamadilawal 1440 bersamaan 31 Januari 2019 telah berjaya membuat kutipan sebanyak BND56,116. Daripada jumlah tersebut, sebanyak BND45,223 berjaya dikutip melalui pelanggan DST manakala sebahagiannya pula, iaitu sebanyak BND10,893 berjaya dikutip melalui pelanggan Progresif Cellular Sdn Bhd.

Majlis Penerimaan Sumbangan Hasil Kutipan 'SMS' Brunei Prihatin bagi DANA Tahun 2018-2019 telah diadakan pada 6 Zulkaedah 1440 bersamaan 9 Julai 2019 di Dewan Serba Guna, Kompleks Yayasan Sultan Haji Hassanal Bolkiah, Bandar Seri Begawan. Hadir selaku tetamu kehormat dan seterusnya menerima sumbangan hasil kutipan tersebut ialah Yang Berhormat Pehin Datu Lailaraja Mejar Jeneral (B) Dato Paduka Seri Haji Awang Halbi bin Haji Mohd Yussof, Menteri Pertahanan Kedua selaku Pengerusi Lembaga Pemegang Amanah Dana Pengiran Muda Mahkota Al-Muhtadee Billah untuk Anak-anak Yatim.

Hasil kutipan 'SMS' Brunei Prihatin bagi DANA daripada pelanggan DST

disampaikan oleh Yang Mulia Dayang Hajah Ramlah binti Haji Rabaha, Penolong Pengurus Am Perkhidmatan Korporat DST. Manakala, hasil kutipan 'SMS' Brunei Prihatin bagi DANA daripada pelanggan Progresif Cellular Sdn Bhd disampaikan oleh Yang Mulia Dayang Nurul Haniah binti Jaafar, Ketua Pegawai Pentadbir Progresif Cellular Sdn Bhd.

Projek 'SMS' Brunei Prihatin bagi DANA mula dilaksanakan sejak tahun 2005. Selama 13 tahun projek tersebut dilaksanakan, DANA telah berjaya mengutip sebanyak BND1,107,302. Sumbangan tersebut telah dapat membantu DANA melaksanakan beberapa projek bagi membantu mempertingkatkan kesejahteraan hidup anak-anak yatim di Negara Brunei Darussalam.

Selain daripada Projek 'SMS' Brunei Prihatin bagi DANA, satu lagi cara atau mekanisme iaitu sumbangan atas talian telah disediakan oleh DANA bagi memudahkan orang ramai menyalurkan sumbangan mereka kepada DANA.

Penyediaan khidmat kemudahan sumbangan atas talian bagi DANA telah disediakan oleh Syarikat ThreeG Media Sdn Bhd tanpa bayaran iaitu merupakan sumbangan syarikat tersebut kepada DANA dalam bentuk perkhidmatan profesional.

Pelancaran khidmat sumbangan atas talian bagi DANA telah disempurnakan oleh Yang Berhormat Pehin Datu Lailaraja Mejar Jeneral (B) Dato Paduka Seri Haji Awang Halbi bin Haji Md Yussof, Menteri Pertahanan Kedua selaku Pengerusi Lembaga Pemegang Amanah Dana Pengiran Muda Al-Muhtadee Billah untuk Anak-anak Yatim di Majlis Penerimaan Sumbangan Hasil Kutipan 'SMS' Brunei Prihatin bagi DANA Tahun 2018-2019. ●

Sumbangan Ikhlas Membantu Mempertingkatkan Kesejahteraan Anak-anak Yatim



Dana Pengiran Muda Mahkota Al-Muhtadee Billah untuk Anak-anak Yatim (DANA) sangat menghargai usaha berterusan daripada semua pihak dalam menganjurkan program dan aktiviti bagi mendapatkan kutipan untuk disumbangkan kepada anak-anak yatim yang berdaftar di Sekretariat DANA. Sumbangan tersebut telah dapat membantu DANA melaksanakan pelbagai program bagi membantu mempertingkatkan kesejahteraan hidup anak-anak yatim di Negara Brunei Darussalam.

Sumbangan daripada Syarikat DST

Syarikat DST menyampaikan sumbangan tahunan syarikat berkenaan sebanyak BND20,000 semasa Majlis Penyampaian Sumbangan Hasil Kutipan 'SMS' Brunei Prihatin Bagi DANA 2018-2019 yang diadakan pada 6 Zulkaedah 1440 bersamaan 9 Julai 2019 di Dewan Serba Guna, Kompleks Yayasan Sultan Haji Hassanal Bolkiah.

Haji Hassanal Bolkiah, Bandar Seri Begawan. Sumbangan disampaikan oleh Yang Mulia Dayang Hajah Ramlah binti Haji Rabaha, Penolong Pengurus Am Perkhidmatan Korporat DST. Sumbangan tersebut diterima oleh Yang Berhormat Pehin Datu Lailaraja Mejar Jeneral (B) Dato Paduka Seri Haji Awang Halbi bin Haji Mohd Yussof, Menteri Pertahanan Kedua selaku Pengerusi Lembaga Pemegang Amanah Dana Pengiran Muda Mahkota Al-Muhtadee Billah untuk Anak-anak Yatim.

Sumbangan daripada Syarikat Progresif Cellular Sdn Bhd

Sumbangan Syarikat Progresif Cellular Sdn Bhd sebanyak BND5,000 disampaikan oleh Yang Mulia Dayang Nurul Haniah binti Jaafar, Ketua Pegawai Pentadbir Progresif Cellular Sdn Bhd semasa Majlis Penyampaian Sumbangan Hasil Kutipan 'SMS' Brunei Prihatin Bagi DANA 2018 - 2019 yang diadakan pada

pada 6 Zulkaedah 1440 bersamaan 9 Julai 2019 di Dewan Serba Guna, Kompleks Yayasan Sultan Haji Hassanal Bolkiah, Bandar Seri Begawan. Sumbangan tersebut diterima oleh Yang Berhormat Pehin Datu Lailaraja Mejar Jeneral (B) Dato Paduka Seri Haji Awang Halbi bin Haji Mohd Yussof, Menteri Pertahanan Kedua selaku Pengerusi Lembaga Pemegang Amanah Dana Pengiran Muda Mahkota Al-Muhtadee Billah untuk Anak-anak Yatim.

Sumbangan daripada Badan Kebajikan Pekerja Yayasan Sultan Haji Hassanal Bolkiah

Badan Kebajikan Pekerja Yayasan Sultan Haji Hassanal Bolkiah (BKPYSHHB) memberikan sumbangan sebanyak BND500. Sumbangan disampaikan oleh Yang Mulia Awang Samsudin bin Haji Puasa, Yang Dipertua BKPYSHHB kepada Yang Mulia Dr. Dayang Nor Imtihan binti Haji Abdul Razak, Setiausaha Tetap



(Perancangan, Guna Tanah dan Alam Sekitar) di Kementerian Pembangunan selaku Pemangku Ketua Pegawai Eksekutif Dana Pengiran Muda Mahkota Al-Muhtadee Billah untuk Anak-anak Yatim semasa Majlis Sambutan Aidiladha dan Ibadah Korban Tahun 1440 Hijrah / 2019 Masihi Yayasan Sultan Haji Hassanal Bolkiah yang diadakan pada 13 Zulhijah 1440 bersamaan 14 Ogos 2019 di Rumah Semaun, Pusat Pengajian Kesenian dan Kaligrafi Islam, Yayasan Sultan Haji Hassanal Bolkiah.

Sumbangan daripada Tabung Derma Khairat Pekerja-pekerja Yayasan Sultan Haji Hassanal Bolkiah

Tabung Derma Khairat Pekerja-pekerja Yayasan Sultan Haji Hassanal Bolkiah

(TADEKHA YSHHB) memberikan sumbangan sebanyak BND500. Sumbangan telah disampaikan oleh Yang Mulia Awang Ahmad Rithauddin bin Haji Sabtu, Ketua Jawatankuasa Pengurusan TADEKHA YSHHB kepada Yang Mulia Dr. Dayang Nor Imtihan binti Haji Abdul Razak, Pemangku Ketua Pegawai Eksekutif Dana Pengiran Muda Mahkota Al-Muhtadee Billah untuk Anak-anak Yatim. Sumbangan tersebut juga disampaikan semasa Majlis Sambutan Aidiladha dan Ibadah Korban Tahun 1440 Hijrah / 2019 Masihi Yayasan Sultan Haji Hassanal Bolkiah yang diadakan pada 13 Zulhijah 1440 bersamaan 14 Ogos 2019 di Rumah Semaun, Pusat Pengajian Kesenian dan Kaligrafi Islam, Yayasan Sultan Haji Hassanal Bolkiah.



Sumbangan daripada Kejohanan Golf Amal Lexus

Sejumlah BND10,000 telah disumbangkan kepada DANA, iaitu hasil daripada kutipan Kejohanan Golf Amal Lexus 2019 anjuran NBT Brunei Sdn Bhd. Majlis penyerahan sumbangan tersebut diadakan semasa Majlis Penyampaian Hadiah Kejohanan Golf Amal Lexus 2019 yang berlangsung pada 1 Muharam 1441 bersamaan 1 September 2019 di The Empire Hotel and Country Club, Jerudong. Sumbangan tersebut disampaikan oleh Yang Berhormat Mejar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin, Menteri Kebudayaan, Belia dan Sukan selaku tetamu kehormat majlis kepada Yang Mulia Awang Samsudin bin Haji Puasa, wakil dari Sekretariat DANA. ●



Kursus Fardu Kifayah

Dalam mempertingkatkan pengetahuan para sukarelawan dalam mengendalikan aktiviti kemasyarakatan, seramai 34 orang sukarelawan Yayasan di bawah Projek Bantuan Kecemasan dan Kemasyarakatan telah mengikuti Kursus Fardu Kifayah.

Kursus Fardu Kifayah dikendalikan oleh Jawatankuasa Takmir Masjid Rashidah

Sa'datul Bolkiah, Kampung Sungai Akar pada 19 Muharam 1441 bersamaan 19 September 2019. Kursus bagi lelaki disampaikan oleh Imam Masjid, Yang Mulia Awang Haji Mohammad Burhanuddin bin Haji Damit dan kursus bagi perempuan telah disampaikan oleh Yang Mulia Dayang Noradiana binti Haji Md Japar.

Kursus bertujuan bagi mempertingkatkan pengetahuan para sukarelawan mengenai penyempurnaan jenazah melalui latihan praktikal yang dihasratkan dapat dimanfaatkan bagi memberikan sumbangan khidmat penyempurnaan jenazah jika diperlukan. ●



Pertandingan Pidato Serlah Bakat dan Keyakinan Pelajar



Awangku Rafi Dasuki bin Pengiran Mohammad Aminnor Rashid dari Sekolah Menengah Yayasan Sultan Haji Hassanal Bolkiah muncul juara dalam Pertandingan Pidato Bahasa Inggeris Sekolah-sekolah Menengah Swasta kali ke-8 yang berlangsung di Dewan Serbaguna, Sekolah Yayasan Sultan Haji Hassanal Bolkiah pada 8 Zulkaedah 1440 bersamaan 11 Julai 2019. Kemenangan Awangku Rafi Dasuki mengalahkan peserta lain yang tidak kurang hebatnya merupakan satu pencapaian cemerlang sekolah.

Dengan menyampaikan pidato yang bertajuk '*Youtubers are Today's Influencers*', Awangku Rafi Dasuki berjaya menewaskan tujuh orang peserta lain dalam pusingan akhir pertandingan tersebut. Matthew Abel Robles Filio dari Sekolah Seri Mulia Sarjana dengan tajuk pidato '*We Should Speak Less, Do More*' berada di tempat kedua dan Flora Ngu Jia Ying dari Sekolah Menengah Chung Hwa, Bandar Seri Begawan dengan tajuk '*A Life of Convenience is Our Generation's Downfall*' di tempat ketiga.

Pertandingan Pidato Bahasa Inggeris Sekolah-sekolah Menengah Swasta merupakan program tahunan anjuran Sekolah Menengah Yayasan Sultan Haji Hassanal Bolkiah. Tema bagi pertandingan pada tahun ini ialah '*Generation Z: A Call for Responsible Action*'. Tema ini amat relevan memandangkan para pelajar merupakan aset penting yang akan menjadi penggerak dan pemacu kepada kemajuan serta pembangunan negara pada masa akan datang.

Pertandingan bertujuan untuk membina keyakinan diri pelajar dan membentuk kemahiran bercakap di hadapan khalayak ramai di samping meningkatkan penguasaan bahasa Inggeris. Pertandingan tersebut juga menyediakan platform bagi para pelajar dan guru sekolah swasta untuk bekerjasama dengan lebih rapat selain berkongsi ide bagi membina keyakinan dan kemahiran pelajar serta mencungkil bakat pelajar melalui beberapa program ko-kurikulum.

Dalam menganjurkan pertandingan tersebut, Sekolah Menengah Yayasan telah mengadakan beberapa buah bengkel bagi membantu para peserta membuat persediaan awal. Bengkel disampaikan oleh Yang Mulia Mr. Allen Ang, *Co-Founder of EPIPEOPLE CONSULTANTS, a Human Resources Training and Consulting Company*.

Hadir selaku tetamu kehormat majlis dan menyempurnakan penyampaian hadiah kepada para pemenang dan peserta ialah Yang Mulia Pengiran Datin Paduka Hajah Hairani binti Pengiran Maharaja Lela Pengiran Muda Abdul Kahar, Ahli Kehormat Lembaga Tadbir Sekolah Yayasan Sultan Haji Hassanal Bolkiah. ●

Forum Pelajar - Asian and Oceanian High School



Sekolah Menengah Yayasan Sultan Haji Hassanal Bolkiah ialah satu-satunya sekolah di Negara Brunei Darussalam yang telah dijemput menghadiri *'Asian and Oceanian High School Students' Forum'* di Wilayah Wakayama, Jepun. Forum diadakan selama seminggu bermula pada 23 Zulkaedah 1440 bersamaan 26 Julai 2019. Penyertaan Sekolah Menengah Yayasan dalam forum tersebut dibiayai sepenuhnya oleh Wilayah Wakayama. Penyertaan ini merupakan program tahunan bagi Sekolah Menengah Yayasan sejak tahun 2014.

Mewakili Sekolah Menengah Yayasan pada tahun ini ialah Yang Mulia Dayang Siti Nur'Nazurah Soffiya binti Haji Mohd Sofi, pelajar dari aliran Sains Tahun 10 yang menyertai dua pembentangan. Pembentangan pertamanya adalah untuk memperkenalkan Negara Brunei Darussalam kepada peserta-peserta luar negara, manakala pembentangan kedua pula mengenai isu permakanan dan impaknya terhadap alam sekitar dan ekonomi.

Forum disertai oleh Jepun serta 20 buah negara lain, iaitu Australia, Negara Brunei Darussalam, Kemboja, China, Hong Kong, India, Indonesia, Laos, Malaysia, Mongolia, Myanmar, Nepal, New Zealand, Filipina, Singapura, Korea Selatan, Taiwan, Thailand, Turki dan Vietnam.

Forum tersebut mengumpulkan para pelajar dari serata dunia untuk berinteraksi antara satu sama lain. Di samping menyertai forum, beberapa

aktiviti juga diatur oleh pihak pengatur seperti Program Anak Angkat dan Lawatan Sambil Belajar.

Pertemuan melalui forum tersebut sangat bermanfaat kepada para pelajar dalam membina kemahiran kepimpinan dan membuka minda dalam membincangkan isu-isu global yang berkaitan dengan persekitaran, makanan, pendidikan, pengurusan bencana dan pelancongan. ●



Pertandingan Inovasi dan Pelan Perniagaan

Sekolah Menengah Yayasan Sultan Haji Hassanal Bolkiah menerima jemputan khas dari Wilayah Wakayama untuk menyertai pertandingan inovasi dan pelan perniagaan 'Global Technology Entrepreneur (GTE) Innovation

Challenge 2019 & Business Plan Contest' di Wakayama, Jepun. *GTE Innovation Challenge* ialah pertandingan yang berkaitan dengan program *start-up* dan bimbingan perniagaan bagi pelajar sekolah menengah di seluruh dunia. Selain menyertai pertandingan, para pelajar juga menghadiri bengkel mengenai keusahawanan, pembentangan serta kemahiran komunikasi di bawah bimbingan pengajar bertaraf dunia, Yang Mulia Tuan Juston Glass. Program berlangsung selama 10 hari bermula 24 Zulkaedah 1440 bersamaan 27 Julai 2019 di Wilayah Wakayama, Jepun.



Sekolah Menengah Yayasan diwakili oleh Awang Mu'iz Hakeem bin Firdaus dan Awang Md Salahuddin Al Hakim bin Haji Hairol. Awang Md Salahuddin Al Hakim bin Haji Hairol telah berjaya menerima Anugerah Prestasi Cemerlang.

Program tersebut memberikan peluang kepada para peserta untuk mengenali budaya tempatan dengan ikut serta dalam Pesta Musim Panas Wakayama. Selain memberikan pendedahan dan mengembangkan minat pelajar dalam bidang keusahawanan, program tersebut juga setentunya memberikan pengalaman yang sangat berharga. ●

Kejohanan Catur Terbuka

Dua orang pelajar dari Sekolah Menengah Yayasan, Awang Gavindra Ramadhansyah Fadyl dan Muhammad Nabil Aiman bin Idham Khalid telah menyertai kejohanan catur terbuka

sempena sambutan Hari Keputeraan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam yang ke-73 tahun (*His Majesty's 73rd Birthday*

Chess Rapid Championship 2019) yang dianjurkan oleh The Brunei Chess Federation. Pertandingan dijalankan selama tiga hari bermula pada 2 Zulhijah 1440 bersamaan 2 Ogos 2019 di Brunei Chess Centre, Hassanal Bolkiah National Sports Complex.

Kejohanan ini adalah mengikut sistem Swiss dengan sembilan pusingan dan dibukakan kepada orang ramai. Kedua-dua pelajar mewakili Sekolah Menengah Yayasan hanya memenangi empat pusingan sahaja. Walau bagaimanapun, pertandingan tersebut memberikan pengalaman dan pendedahan yang baik bagi mereka untuk terus memperbaiki kemahiran dalam permainan catur. ●



Kesedaran Penggunaan Media Sosial

Sekolah Rendah Yayasan menganjurkan Bulan Mata Pelajaran Teknologi Infokomunikasi (*Info communication Technology - ICT*) sepanjang bulan Ogos 2019. Penganjuran tersebut bertujuan untuk meningkatkan kecekapan murid-murid dan guru-guru dalam kemahiran digital, mengintegrasikan teknologi

maklumat ICT dalam pengajaran dan pembelajaran, mempromosikan pemikiran kritis dan kreativiti melalui penggunaan ICT serta membantu melengkapkan murid-murid dengan kemahiran pendidikan abad ke-21 untuk bersedia bagi menghadapi revolusi industri 4.0.



Dengan tema 'Memperkasa Kemahiran Murid dan Guru Menerusi Literasi Digital', bulan Mata Pelajaran ICT juga bermatlamat untuk meningkatkan kesedaran mengenai keselamatan dan sekuriti dalam penggunaan ICT khususnya melalui media sosial.

Bulan Mata Pelajaran ICT ditutup dengan sesi taklimat mengenai Etika Penggunaan Media '*Sosial Media Etiquette*' yang disampaikan oleh Yang Mulia Dayang

Siti Nor Izuana binti Ayob, Pegawai Pemasaran dan Kesedaran di ITPSS Sdn Bhd dan ahli Pasukan Tindak Balas Kecemasan Komputer Brunei (BruCERT) pada 28 Zulhijah 1440 bersamaan 29 Ogos 2019, di Dewan Sekolah Rendah Yayasan. Turut hadir pada majlis tersebut ialah Pemangku Ketua Pegawai Eksekutif dan Pengetua Sekolah Rendah Yayasan, Yang Mulia Cikgu Hajah Mariam binti Haji Ladi.

Beberapa nasihat yang berguna disampaikan melalui taklimat tersebut seperti mematuhi peraturan, berbuat baik, berhati-hati dengan apa yang dikongsi dalam talian, fikir dahulu sebelum *post*, jangan bercakap dengan orang yang tidak dikenali, periksa ejaan dan tatabahasa sebelum *post*, menjaga privasi, lapor dan rekod kelakuan buruk. ●

Pertandingan Kaligrafi Cina

Sekolah Rendah Yayasan menyerahkan sebanyak 500 penyertaan karya Kaligrafi Cina kepada Jabatan Mandarin, Persatuan Seni Lukis dan Kaligrafi Cina di Negara Brunei Darussalam sebagai penyertaan dalam Pertandingan Seni dan Kaligrafi Belia Antarabangsa yang dianjurkan oleh Republik Rakyat China pada Februari

2019. Karya Kaligrafi Cina tersebut dihasilkan oleh murid-murid Tahun 2 hingga Tahun 4. Daripada jumlah itu, sebanyak 128 penyertaan dipilih sebagai finalis.

Semasa pertandingan tersebut, seramai 92 orang pelajar telah berjaya mendapat pingat, iaitu 16 pelajar dianugerahkan pingat emas, 34 pelajar mendapat pingat perak dan 42 pelajar memperolehi pingat gangsa.

Pingat-pingat tersebut telah disampaikan oleh Pemangku Ketua Pegawai Eksekutif, Sekolah Yayasan Sultan Haji Hassanal Bolkiah, yang juga Pengetua Sekolah Rendah Yayasan, Yang Mulia Cikgu Hajah Mariam binti Haji Ladi pada 16 Muharam 1441 bersamaan 16 September 2019 di Dewan Sekolah Rendah Yayasan Sultan Haji Hassanal Bolkiah.



Ketua Pegawai Eksekutif juga mewakili Sekolah Rendah Yayasan menerima trofi sebagai pengiktirafan untuk prestasi keseluruhan sekolah di Negara Brunei Darussalam daripada Ketua Jabatan Mandarin, Persatuan Seni Lukis dan Kaligrafi Cina di Negara Brunei Darussalam, Yang Mulia Puan Irene Wong.

Penyertaan para pelajar dalam pertandingan tersebut adalah untuk meningkatkan kreativiti mereka di samping mananamkan minat terhadap budaya Cina. ●

Hari Tradisi Budaya Brunei

Taman Asuhan Kanak-Kanak Yayasan Sultan Haji Hassanal Bolkiah (TASKA) memilih tema 'Budaya Brunei' sebagai aktiviti pembelajaran sepanjang penggal keduanya persekolahan tahun 2019.

Tema tersebut dipilih bertujuan untuk mendedahkan dan memperkenalkan budaya Brunei kepada kanak-kanak melalui pengalaman belajar yang lebih praktikal dan menyeronokkan. Aktiviti tersebut diharatkan dapat menanam minat kanak-kanak terhadap budaya bangsa yang patut diteruskan sepanjang zaman.

Beberapa aktiviti pembelajaran mengenai budaya Brunei telah diadakan, antaranya ialah demonstrasi permainan tradisi seperti congkak, main gatah, simban, tarik kalat, permainan pelepas pinang dan kikik. Kanak-kanak juga diperkenalkan dengan pakaian tradisi Brunei dan makanan tradisi Brunei serta cara menyediakan atau memasak makanan tersebut.

Bagimeraikan temapembelajaran Budaya Brunei, TASKA telah menganjurkan Hari Tradisi Budaya Brunei pada 3 Zulkaedah 1440 bersamaan 3 Ogos 2019, di Dewan

TASKA. Acara tersebut dihadiri oleh seramai 452 orang kanak-kanak TASKA. Pengetua TASKA, Yang Mulia Datin Hajah Zainab binti Haji Abdul Wahab hadir selaku tetamu kehormat.

Acara Hari Tradisi Budaya Brunei dimeriahkan lagi dengan persembahan sketsa ringkas; pameran dan demonstrasi cara permainan tradisi Brunei; persembahan pakaian tradisi dari tujuh puak asli Brunei; pameran buah-buahan tempatan; dan pameran dan demonstrasi memasak makanan tradisi Brunei. ●



Lawatan Guru-Guru dari Sekolah Chung Hwa, Kiudang



Seramai 11 orang guru dari Sekolah Chung Hwa, Kiudang, Tutong telah mengadakan lawatan ke Taman Asuhan Kanak-kanak Yayasan Sultan Haji Hassanal Bolkiah pada 21 Zulhijah 1440 bersamaan 22 Ogos 2019. Hadir mengalukan ketibaan rombongan guru-guru tersebut ialah Pengetua TASKA Yayasan

Sultan Haji Hassanal Bolkiah, Yang Mulia Cikgu Datin Hajah Zainab binti Haji Abdul Wahab.

Rombongan yang diketuai oleh Pengetua Sekolah Chung Hwa, Kiudang, Tutong, Yang Mulia Madam Loo Shee Yun dibawa melawat infrastruktur sekolah seperti

bilik agama, kolam renang dan ruang perpustakaan. Selain itu, rombongan juga dibawa melawat ke kelas-kelas bagi menyaksikan aktiviti pembelajaran seperti mata pelajaran agama, muzik dan komputer.

Pengetua TASKA Yayasan turut menyampaikan taklimat mengenai sejarah, perkembangan dan pencapaian TASKA, akademik dan kurikulum yang dipraktikkan serta aktiviti ko kurikulum. Acara lawatan diakhiri dengan sesi bertukar cenderahati daripada kedua-dua buah sekolah dan sesi bergambar.

Lawatan tersebut diharapkan dapat menjalin hubungan kedua-dua buah sekolah bagi bertukar-tukar pengetahuan dalam sama-sama memajukan sekolah masing-masing. ●

Kempen Tanamkan Sifat 2R, Tangani Isu Sisa Buangan



Kanak-kanak Taman Asuhan 3 berpeluang mendengarkan taklimat dan nyanyian daripada sekumpulan pegawai-pegawai muda yang berkhidmat di Jabatan-jabatan Kerajaan melalui projek A SustainaBRU yang diadakan di Dewan TASKA pada 27 Zulhijah 1440 bersamaan 28 Ogos 2019.

Projek A SustainaBRU merupakan Program Kesedaran Tentang Pengurusan Sisa Buangan (*Waste Management*) yang dikendalikan oleh pegawai-pegawai tersebut yang sedang mengikuti kursus pengurusan eksekutif bagi Pegawai Eksekutif Muda Kohort ke-4 di Jabatan Perkhidmatan Awam.

Program bertujuan untuk memberikan pendedahan dan menanamkan sifat 2R, iaitu 'Refuse' dan 'Reduce' dalam penggunaan barangan pakai-buang (*single-use disposables*) seperti beg plastik dan straw plastik, dan kesannya terhadap alam sekitar.

Program diakhiri dengan pertandingan mewarna dan penyampaian hadiah kepada para pemenang oleh Pengetua TASKA Yayasan, Yang Mulia Datin Hajah Zainab binti Haji Abdul Wahab. ●

VISI

Masyarakat Mandiri

MISI

Menguruskan Amal Jariah
Kebawah Duli Yang Maha Mulia
Paduka Seri Baginda Sultan Haji Hassanal Bolkiah
Mu'izzaddin Waddaulah
dan Ahli-Ahli Keluarga Baginda
secara profesional, cekap dan
penuh dedikasi.

Wadah diterbitkan oleh
Yayasan Sultan Haji Hassanal Bolkiah
Jalan Perdana Menteri
Bandar Seri Begawan BA1511
Negara Brunei Darussalam

Telefon
223 4085 | 223 4087 | 223 4088

Faksimili
223 4082

Laman Web
www.yshhb.org.bn

Instagram
yshhb_official

Facebook
Yayasan Sultan Haji Hassanal Bolkiah